

龍眠風雅

卷廿一之廿四



龍眠風雅卷二十一目錄

木厓潘 江蜀藻輯

江寧宗章峻無齊

同里左國棟子直 叅

孫 晉 一百首

龍眠風雅卷二十一

木厓潘 江蜀藻輯

孫

晉

字明都號魯山天啟乙丑進士初授南樂令居官三載清驛釋繫戢暴賑饑政聲煥然

間調繁滑縣擢工科給事中首參權相疏凡九上至請復山陵請覈河漕請增防戍請嚴枚卜請議楊忠節謚典尤為敢言因忤執政左遷俄轉大理卿特疏出憲臣劉宗周金光辰于獄入對以江北兵荒力請于上得蠲桐邑租賦什之七適宣大總督乏人上曰卿福將也特簡一行受事半載以籌兵餉憂瘵成疾自免歸公為人白皙美髯望之若神仙中人初為童子時左忠毅公一見器重之妻以兄子卒相繼登朝若傳衣鉢所著有東甌黃山廬山曹溪楚嶽諸遊草友人吳道新方畿輩私謚為季節先生

黃山浴湯泉

遊事歷深秋高天白日速策杖入寒林息駕山之麓仰

聯壁間詩苔封不堪讀蘿月浸空堦松濤響幽谷問徑
晚烟迷欲效步兵哭沙門前致辭且就招提宿何以永
今宵携來酒一斛連牀無俗人夢醒風敲竹鳥鳴曙色
開趣就溫泉沐丹砂蓄此間山靈有深祝欲覲軒皇顏
先洗塵埃目爲解芰荷裳波光淡盈掬炎涼一水分坐
久媚幽獨強起誓再遊築室從此卜

哭宋九青

溟海之北泰山東君才大雅接崆峒然藜讀書蓬萊閣
束髮獻賦明光宮董筆共推如弦直河陽小試名花叢
雒陽年少真第一嘖嘖奏最由吳公天子曰都用作礪
拾遺補闕呼吸通胡爲生瑜復生亮咄咄兩賢橫相攻

金門苑枯一朝異白眼那知惜途窮功名氣節何多讓
十年變幻如飄風睢陽受刃偶先後予也曾爲訴蒼穹
葑菲不遺成浩蕩誰實起予君之功六垣聯轡長安道
十載論心風雨中吳越趨庭舒大父瀟湘秉鑑稱宗工
紫薇振衣躋容臺佩玉蹒蹒回重瞳棘寺種槐于門大
罔曹相馬冀北空翱翔未幾冬官貳論材巨細辨椅桐
兩京七發白雲什三台八座黑頭翁夢卜爭如人情異
廷推適與帝怒逢七日圓扉千載遇雷霆終歸覆載洪
宣麻策蹇何太迥傾都八月送飛鴻東山片石不自棄
草玄讀易事磨礪賜玦翻成執紼緣哀哀泣拜聖恩隆
城外合圍吹畫角仗劍登陴禦戎一木豈能支大厦

常山血染天地紅
熒熒弱息猶無恙
誰謂造物竟朦朧
到此方知張許心
相視九京不約同
予初聞之未敢信
臨戎躍馬正控惚
郵亭忽下西州淚
雲山漫漫水冲冲
憶昔君爲語大夢
功成錫爵受彤弓
孰知天王有深意
不使爲良使爲忠
嗚呼何必爲良不爲忠

見道傍古樹爲雷所擊作雷樹行

越水吳山天下奇
挺生異樹枝離披
號呼有時來風雨
窟穴亦許藏龍螭
廣莫之野任所寄
蔽日叅天人不視
無端工師移道旁
自是天年合憔悴
斧斤相尋衆同噴
誓必得之以爲薪
樾蔭千間今寂寂
孤幹排雲叫蒼旻
如泣如訴如呻吟
疾雷震電苦不禁
大地潢漭歸衆水

普天鶚鳳同一音
至今根底血凝碧
剝蝕剪伐非朝夕
彼蒼何心仇一木
我獨長歌當痛哭
爲語世人休咄咄
不見地下松苓千
載埋香骨

宿文殊院觀海

白霧霏霏雨不歇
青山忽銜半邊月
翠壁苔蘚繡虎紋
千巖萬壑鋪溟渤
我欲跨海無長虹
遙看彼岸薄窮髮
日脚垂垂映彩霞
鳥嶼微茫出還沒
夜半重登立雪臺
芙蓉的歷九天開
寒光五色盪精魄
髣髴仙人騎鶴來
須臾萬里吹長風
松濤石上起蟠龍
山中輕雷聲隱隱
簷端細露水溶溶
山前山後海平分
令人應接不辭勤
欲借玉女雙剪刀
掠取長空一片雲
海外青螺數點浮

萬頃琉璃一曉收
淡粧濃抹都難似
此際誰能紀勝遊
一回一叫眠不得
恍惚遊仙看曙色

題恒公石

海濱之石饒奇色
強欲肖形名不得
其色似土形似月
我亦欲拜無袍笏
珊瑚叢開石菌花
合貯丹砂洪碧霞
連城價重紫金鉢
其中萋萋長仙葩
老人懷思頗有年
朝朝石上生雲烟
珍重勿與南宮見
恐彼長呼大叫欲
據船

登始信峰環觀石筍獅林散花塢諸勝

始信峰頭雲可掬
道人已去存茅屋
洞口虬枝駕鵲橋
蒼天已近白日速
晴巒斜挂瀑千縷
陰壑橫鋪錦萬簇
茵茵葉間金芙蓉
奇峯何止三十六
倏忽二儀闕精光
失却黃山真面目
閉來拍手叫秋旻
揣摹名象渾如真
如此奇形兼異境
山靈豈肯多示人

宿南陽

綠樹晚烟微
南陽今是非
山隨河勢轉
月帶雁行飛
忽憶三年事
真成一夢歸
今宵應盡醉
買得鱖魚肥

再宿南陽

二月水漫漫
無端春色闌
深杯嫌夜短
久客怯衣單
未見干戈滿
誰知道路難
憂時多少淚
不敢向人彈

渡江達金陵

虎踞石頭城
居然漢兩京
野雲隨草沒
瑤月帶潮生
鶯

轉聲如訴江清鏡似平往來皆此水悲喜不同情

聞閩事有感

佳氣日南望王孫且勿哀安仁閒作賦司馬病登臺草
色先春綠梅花未臘開本無軒綬意鷗鷺莫相猜
伯氏初會語及姜端公幽居絕勝兼出所附書却
寄

哀江南

十載事何如故人今索居鴟原三嘆後雁陣五更初山
水圍花塢雲霞擁素書亂離如聚首不敢負鱸魚
不見烽烟淨徒言憶漢京雲深春草沒雁去斗杓橫鐘
鼓沉長樂旌旗滿石城何堪風雨夜陵樹起邊聲

樂清署中雪夜

雁宕陰風急芙蓉夜月寒王程天一線客路雨千盤夢
斷屠羊肆腸迴唳鶴灘何堪頻頻首不敢望長安

舟發樂清入東甌二首

方舟非故國舉目不勝情赤樹分霜重饑鳥掠水輕風
塵還到海廊廟正論兵霽色先春至依然白髮生
環城行未遠已在數峰西水入河源渺松依石磴齊中
原誰逐鹿長夜不聞鷄何日畚南畝悠然憶鼓鼙

送萬別駕之閩

落日嘆離羣孤鴻帶雪聞江沙連越岸嶺樹入甌雲二
水分官道三山擁使君有才如鮑照豈合老參軍

贈樂清徐聚星

靜對無懷氏怡然忘百憂亂山黃葉滿一水白鷗浮橋

頌誰能讀鶴鳴祇自求河陽重攜手玉甌爾同遊臨行有同

遊玉甌
峰之約

陽湖還舟

仁王峰下水清淺石磷磷天暝雲歸岫山寒鳥近人潮
來先得月花發不需春何處堪逃世相逢問子真

樂清道中

鳴橈催客櫂歸路晚烟迷千嶂猿啼切孤帆月影低風
吹鴉滿樹水嗽石成梯不道錢塘上猶然競鼓鼙

夜櫂

微明空外火一點似寒星流水迴長坂高山列翠屏舟
車無定跡身世總浮萍夜半繁霜裏孤鴻不忍聽

入曹溪禮六祖暨憨大師塔瞻諸法物并似天拙

和尚次龔芝麓先生韻四首

四山傳密諦常借紫雲封香菊溪邊水青來天際峰林
深惟見月市遠不聞鐘祖意隨人授何分南北宗

林間常小憩所至得繁陰穡事秋初畢苔痕雨後深山
光消世態鳥語靜禪心十載南華夢真源何處尋

衣留有相後法悟未生前一語真空現三更密意傳腰
間萬古石壁上五宗禪雙塔如相望朝朝護紫烟

重興佛祖地宗派此中分舍利光常現木樨香共聞法

身還度嶺匡岳只留雲不是金剛在居然一老軍
再入曹溪禮塔兼輓天拙和尚四首

重遊真乘燭谷口尚苔封揭日標雙塔驅雲掃衆峰溪
聲喧宿鳥客夢冷晨鐘但識西來意何須問五宗
僧出門常閉空留一院陰林疎螢火亂秋老薜蘿深攀
陟遊人事提攜古佛心千峰曾識面初地許相尋
扶筇諸子後結夢十年前佛相如垂示我心難遽傳重
來爲問法豈是學逃禪泉竭人何在空飛石上烟
受譴緣何事人天多杞憂羊腸雖九折龍骨自千秋袖
落香還在烏啼夜未休雲端推月出塔影漾溪流

唐寺和壁間韻

咫尺廬山面雲封盡欲迷春風留古社秋雨漲前溪草
色埋幽徑車聲遶大隄老僧分半榻吾意愜衡棲

送戴甥山民之任成都三首

慈母縫千縷何須嘆絕裾但茹西嶺雪莫寄錦江魚飲
水同清白焚香對碧虛扁舟吾已矣書信勿教疎
西蜀優閒地何緣得此鄉去時穿棧道來日下瞿塘談
笑三年過徵書萬里翔賴君辰事好到處有輝光
北地操刀拙渭陽何足師雲山看紫樹驛路聽黃鸝玉
壘杜陵宅錦官丞相祠到時應俎豆爲我一題詩

思還龍山

三秋鴻雁至喜得故人書雪權迷新渚雲裝返舊廬但

期若有竹莫嘆食無魚一入龍山路先爲濬石渠

居庸關出獵示諸將

熊旂十萬擁京華韎鞞朱殷碧玉駟大漠有閒惟校獵
寒邊無夜不吹笳棘門雕羽休驚雁畫帳金丸莫彈鴉
印綬纍纍懸肘後諸君何以報皇家

入關次易水道中

此日春風度玉門柳條微放鳥聲繁燕山橫隔江南夢
易水新招塞外魂秉鉞未能窮虎穴投箸何以答君恩
低徊北望頻搔首薄暮空村閉小園

懷王鐵山

君恩本是再生身冊府書勲閣畫麟鐵騎秋高空射月

玉關春老倍懷人匣餘一劍酬知己朝列千章任積薪
回首十年滄海事跂予東望欲沾巾

閔邸報曲沃視師天子親臨宴餞爲先是所未有

滅賊朝天其在此行乎鄙詞以志祝云爾

元臣奉詔出金微玉帳郊臨亘古稀司馬已寒西賊膽
汾陽會解鄴城圍飛黃矯矯分天駟祁父桓桓盡錦衣
推轂年來何太易傾都爭祝相公歸

恒南道中

聖主今朝許乞身東風昨歲拂征塵羊腸夢斷恒山路
鳳渚歸殘白水春間道何人開赤幟中原到處有黃巾
憐予不武兼多病豈是忘情學隱淪

過澶州晤張元白

廿年不見老同門聚散榮枯未可論
滿眼風塵何日定當時故舊幾家存
莫言海內無知己俱有今朝是主恩
此後相逢如夢寐惟應飄泊任乾坤

春懷三首

關塞深防刻漢旌春王歲表絕西京
轉輸久見司徒急經略新看相國行
郊壘烟迷官路草鼓鼙聲亂上林鶯
宸遊何日臻同樂四海惟應不請兵
春風無計霽天顏社稷殷憂泪獨潛
西北烽烟猶近塞東南虎豹已當關
修文不輟三冬講閱武頻臨萬歲山
草野何知欲獻頌長沙先召賈生還

寧遠孤軍憂斷海西秦巨寇欲憑河
神州僅恃三關險故輔空張十面羅
是處青山埋戰骨幾人綠水聽漁歌
天涯戎馬三年客獨解征衫種芰荷

次清河

湖南草色日霏霏遠樹人家入翠微
壁馬至今沉汴水舟航依舊祀天妃
晚來白鷺乘潮下雨後紅梨帶血飛
息駕無勞傷歲晏秣陵猶及送春歸

三月三日

溪邊士女秉蘭新云是今朝上巳辰
盛集相傳三代事清詩應數六朝人
華林曲水知何處南澗東堂空復春
此日袞除誰最急天河一瀉淨邊塵

冬懷二首

寒宵屢起問欒槍曉鏡爭看白髮生河北新開通貢道
江南久築受降城車徒歷亂軍書急閩越縱橫冠蓋輕
欲賦百哀哀不盡援琴翻作百憂行
生計飄零美塞鴻衡陽却羽待春風已知駿骨埋燕市
更說蛾眉出漢宮結綬有人推貢禹草玄何地著揚雄
從前浪跡經行處盡在黃塵紫霧中

懷仙居時伯兄奉太夫人居此予分三子以從

海雲天外擁孤臣偕隱焉文介母倫裾遜太真無易絕
情如令伯自宜陳椒盤夜進他鄉橘菽水腸迴故國尊
兄弟二人能報主中郎應得老垂綸

三弟括蒼書至二首

當場結客少年行膽氣麤豪軼兩兄金盡牀頭無改色
月明燈市最多情射穿七札真餘技賦就三都早擅名
聞說中原鞞鼓競出門便欲請長纓

靈鵲朝來報喜頻果然書到汝爲人蘆中乞食烏衣敝
座右狂歌白髮新風雨鴟原同作客天涯菡署倍思親
馮生且勿悲長鋏辛苦從軍已上陳

別吳邃菴於陽湖莊

渺渺懷人天一方狂歌短曲顧周郎孤舟綠水潮三尺
兩岸青山樹幾行我自傷心看北極君胡蒿目卧南陽
功成繪像凌烟日莫惜飛書到草堂

懷何玄子

李勉西來壯帝居
霍家盛氣爲君鋤
比肩七貴無私語
正色三朝數上書
嶺外白雲堪自悅
窓前紅樹未應疎
萍踪他日能相訪
天寶山中好結廬

江心寺

宋高宗曾駐蹕此山上有碑刻文文山題詩寺名中川

萬里間關髮數絲
中川默坐獨銜悲
江山宛發金焦夢
風雨重吟信國詞
三變桑田龍去遠
千年華表鶴歸遲
潮聲夜落猶堪聽
最怕春來喚子規

南塘夜坐感懷

寒夜孤吟見客情
白雲峰下一燈明
潮平內海漁人卧
春到前山杜若生
有酒不知今歲暮
無家自覺此身輕

憑欄忽見東方曙
古樹啼鶯報曉晴

渡江

碧天無際海雲低
挂席乘潮日已西
秦望至今惟帶水
仙霞自昔有丸泥
嶺梅壓雪紅初綻
汀草含烟綠未齊
莫更中原詢擊楫
等閒勿照太真犀

贈許霞城先生

尺素俄驚青鳥傳
開緘珍重問龍眠
已知梅福非終隱
始信維摩自解禪
垂釣獨邀三泖月
濯纓還泛五湖船
白頭知己惟君在
遙望參辰意黯然

出居庸關

驅車直上古輪臺
五月風清霽色開
山後黃毛爭北徙

關前紫氣自東來健兒倚馬斜看劍長笛催人數舉杯
生入玉門應有日自憐不是棄繻才

至懷隆
高旌裊裊動懷隆舊是
人避暑宮螺石已隨春草沒
鵝池死在夕陽中析鳴漢堞憐孤戍日落
天泣晚鴻
咫尺華
無百堵只今誰念始皇宮

黃山道中

驅車永日鏡中遊傍岸清泉足下流塵到山陰無世味
香生蔓草亦芳洲村前古樹千重碧嶺上閒雲一點浮
晚閉孤村談逸事砧聲何處動人愁

初抵黃山湯寺

叅差翠岫插雲中雨洗芙蓉艷許同自是仙居通帝座
誰知鬼斧奪天工娟娟月出千峰曉謾謾松生萬壑風
顧影却憐塵土面十年身到梵王宮

湯寺晨起聽泉

五夜鳴泉聽不窮夢回疑雨復疑風疇傾仙鼎飛丹液
孰挽銀河倒碧空壁上詩篇懸日月雲中劍佩倚崆峒
朝來獨步寒潭側長恐青天起白龍

投恒大師

憶別桐川三十年雲鴻海鶴任蹁躑桃源洞口光常現
采石峰頭月正圓側見三珠成我拙能除一切讓公先
何期邂逅新安道白雪樓前繫鐵船

繇老人峰陟文殊院

千盤萬折入天門，獅象當關叩九關。
撲面雲霞知有意，摩崖草木似無根。
如聞仙樂遲青鳥，欲見精靈憶白猿。
直至文殊高卧處，老人俯視又兒孫。

三姑峰

玉女飛瓊角立時，輕紈細綺步遲遲。
霞裾露濕芙蓉綻，雲髻光搖瑪瑙披。
待月迎風常作伴，淡粧濃抹總相宜。
朝朝織就天孫錦，不假人間五色絲。

石楠樹

不知此樹種何年，楠白蓮黃兩地偏。
幹倚天門迴鶴馭，根盤石竇飽龍涎。
草生福地皆成藥，人到名山卽是仙。

未入玄元金闕裏，先應下拜老翁前。

歸途雜咏

胡爲留滯大江東，探勝尋幽覺未窮。
野色嵐光仍在眼，新詩漫興已盈筒。
人間誰識三山客，雲外親陪五老翁。
何似塞鴻忙裏度，年年高叫夕陽中。

入曹溪三首

十年躑躅曹溪夢，此際踟躕入寶林。
雙塔峰高懸慧日，一泓水淨印禪心。
松杉盡帶旃檀氣，獅象如聞鸞鳳音。
天柱飛來堪卓錫，同公靜對碧雲深。
竹樹菁葱一徑斜，入山碁布盡僧家。
傳燈不斷還留火，說法何時更雨花。
半點靈光鑄姓氏，千家寶勅燦天葩。

焚香再拜空王後細看袈裟五色霞
雲山四合擁招提古樹森羅蔭碧谿
偶借鏡臺空萬有轉將肉相示羣迷
人知紫鉢求龍骨我向南華悟馬蹄
他日西窓重剪燭洗心池畔作衡棲
夜雨飲僧寮有懷
輕雷動地破蒸埃雨過雲峰四面開
澗水流將新月去山風吹送故人來
金微信斷千家夢玉笛聲搖五月梅
南北有懷懷不盡強從僧舍一銜杯

僧舍咏懷二首

暮倚層軒零露溥依然明月上闌干
梧桐樹濕秋光老蟋蟀聲微夜色寒
塞北健兒吹畫角終南隱士夢彈冠
誰知蘭若能高卧不問人間行路難
獨坐危樓樹影斜伊人咫尺碧雲遮
晚鐘齊送千聲梵皓魄平鋪五色霞
宿鳥高飛羣似雁野藤秋老葉如花
來朝擬就成都卜始信今隨八月槎

答友人惠詩

望重先朝老夕郎追隨廿載鬢俱蒼
逢人怕說開元事避地惟登選佛場
勝會歲時碁一局畏途風雨話連牀
知君欲爲蒼生哭莫惹移文到草堂

懷二龍山莊因柬住僧田石

堤柳枝枝濺碧波一春紅杏雨中過
雲迷白嶺桃花洞泥落空梁燕子窠
俗駕山前停信宿幽人林下笑蹉跎

殘書幾架封蛛網歲歲勞君護薜蘿

秋曰偕友人郊遊

此日登高慰所思往來江上片帆遲故園菊放誰為主
四國兵銷幸有期月色遙連鴻雁影秋聲低入海棠枝
明年準擬尋芳草又向春山聽子規

小孤

不知鬼斧何年開玉壘儼成金粟堆危石已分匡阜色
孤峰豈自羅浮來江光瀲灩千帆下山勢奔騰萬馬回
我欲摩崖登絕頂恨無奇字拂蒼苔

潯陽道中

風聲謾謾柳條疎搖落西江歎索居春去初逢彭蠡雁

秋歸仍食武昌魚雲開石室青山出露冷蓮房故苑虛
五岳有懷何日遂卧遊且讀職方書

再入廬山

十年又至曾遊處喜踏爐峰夜未闌屐跡乍隨秋草沒
書臺常對夕陽寒長天漠漠銀河落密霧沉沉玉露溥
勝境幾人能再到老僧招手碧雲端

山行苦雨

登臨何必泣窮途叠叠雲山入畫圖五柳曾瞻陶令未
白蓮還拜遠公無天低處處迷鴻雁雨急聲聲咽鷓鴣
十里松陰行不盡此時惟有客心孤

僧舍喜晴

小奚窗外報初晴誤認魚聲作雨聲
艸際鳴蟲迎露出
天邊過雁掠雲輕
占星側聽西風急
待月斜看北斗橫
此去青山饒黛色
客途何異到蓬瀛

社日鄉思

兩社清醑恨未同
遙遙鄉夢隔西東
月連萬頃水鋪地
雁叫一聲秋滿空
何日能從桂樹隱
逢人輒問菊花叢
江天寂寞招提客
黃葉翻飛嘆轉蓬

復生松

周原平樂數歸宗
客夢初回聽曉鐘
墨寶爭傳逸少宅
佛光長護復生松
枝繁日暮迴高鳥
地僻雲深隱卧龍
最是經過人下拜
千秋幸不辱秦封

宿寒谿寺

橫江擊楫指寒谿
靜扣禪扉路欲迷
共說高峰曾試劍
我來中夜不聞鷄
清泉只許山僧汲
白石偏遭御史題
更有西林蘭若好
懷坡亭畔草萋萋

宿黃鶴樓看月三首

江漢滔滔二水回
萬家烟樹擁樓臺
一從鐵笛乘風去
不見仙人跨鶴來
浩淼千年淹日月
虛無半夜絕塵埃
堤邊秋草依然綠
舊苑空存麋鹿哀

巍閣凭虛俯碧波
仙人鶴馭幾時過
帆檣晚泊依茅舍
棗樹疎枝帶女蘿
木落風高秋色老
天空氣肅白雲多
幽棲倚檻饒愁思
不寐長吟奈月何

仙翁心事幾人知
縹緲靈蹤繫我思
霧擁層樓迴過雁
臺標湧月拂殘碑
黃梁枕上功成後
白石亭前棗熟時
天爲山川增秀色
不經風雨未全奇
時微雨復霽
贈鐵佛寺僧
一入招提興灑然
翳塵不到任踟躕
琴心欲作無聲解
醉意難爲醒者傳
勝事莫談空涕淚
故人何在各風烟
多公能說無生法
長願拈香鐵佛前

野泊螺山

荒臺側坐送斜曛
嘹唳孤鴻不忍聞
天外晚霞紅片片
窻前寒月白紛紛
偶吟鵬賦愁難竟
載讀離騷夜已分
沅芷澧蘭無可採
我來何以弔湘君

泊城陵磯

鄂渚三秋日似年
溯洄又向酒香泉
慚非范蠡五湖客
喜泛瀟湘萬里船
水落江流隨地轉
雲回星動與天旋
岳陽咫尺愁難到
欲假東風夜扣舷

湖泊

曾向瀟湘看畫圖
等閒得泛洞庭無
江湖客祀祢公子
荆楚人思屈大夫
疎雨淡雲瀾澤國
殘花落葉滿征途
連宵野泊都難寐
危坐頻聞雁鶩呼

湘陰曉發

信宿隨風范蠡船
湘流九轉似登仙
谿雲欲吐波生綠
山月初銜人未眠
兩岸凝霜湖上草
千帆帶雨水中天

今宵定就長沙泊有酒惟澆太傅前
羅鎮侯遣弟上舍詣衡山相迎
風聲雪色伴孤征裘馬翩翩負弩迎西去靈丘曾折柳
南來緱嶺忽吹笙雲山千疊旌旄擁湖海扁舟氣色生
百里先驅煩介弟絡絲潭水故人情
衡鎮羅副總迎至衡山先回賦贈二首
陽和城北聽烏啼輿疾南歸指釣溪只道別來新定遠
誰知猶是舊安西東洲出獵牙旗繞南岳憑陵甲帳齊
却憶關前曾躍馬長圍合處見天低
行間心事有誰知意氣如君儼貳師濶別廿年書偶至
重逢一夢見還疑兵戈塞外同甘苦雨雪山前共喜悲

最是再生人易老春光猶記玉門時

祝高嶺下逢霧雨

祝高嶺下且盤桓再拜蒼天借日看長夜何時開混沌
南荒所至見凋殘千層鳥道溪聲澁一帶霜林樹色寒
俯視兜羅成世界此身宛在白雲端

立春次日喜晴

僑居卒歲此心閒向子初從壽岳還雪色終朝凝屋角
春風昨夜到人間蟲聲餞臘和羌笛客夢衝寒越楚關
陰雨連旬方見日軒前曝背破愁顏

懷徐鶴洲中丞

一日丹書到水濱八年湖海謝風塵不知前席爲何事

音韻原牙卷三十一
豈是荒唐說鬼神

旅宿四首中丞

日暮停車碧水隈
羈思無賴獨登臺
山高雨後紅塵遠
夜半開窓放月來
遊遊今日老閒身
此去桃源可避秦
明月忽來山鳥沸
隔崖驚起不眠人

計程明日到丹丘
夜靜涼生月滿樓
活活溪聲撩客夢
故將水碓作更籌

河漢西流樹有聲
高樓獨卧不勝情
黃山頂上神遊徧
客夜秋天未肯明

看月

清溪曉夜送潺湲
柏葉風迴滿目斑
薄暮只疑初吐月
不知落照向前山

題禪院內甘露

味比瓊漿甘似蜜
陰同荷葉大如錢
任他祇樹三千尺
只愛窻中小綠天

過員橋湖

平池細玉任輕風
艸膩花香漾碧空
南北高峰看不盡
只疑身在聖湖中

冰樹

豐隆昨夜吼前峰
疑向空潭起螯龍
靜倚山窓看玉樹
未凋誰復辨寒松

冰竹

卧聽筠枝聲颺颺
近看可是風敲竹
一朝晴日照寒空
方見此君真面目

冰花

萬朶瓊瑤簇畫圖
齊開不待曉風呼
看花只趁春三月
桃李芳菲得似無

冰草

饑驅無路泣麋豕
大地芸芸盡吐芽
瑤草滿山拾不得
欲將何物煮烟霞

南岳後山舜井傍有舜洞

蒼梧一去不知年
古洞烟迷萬仞顛
九點青螺何處是

至今湘竹向南天

水簾洞

簾外微曛影不流
陽光何日似三秋
星搖澗底金千點
月挂林端玉一鈎

絕頂

上倚青天許作隣
下睨紫蓋實無倫
若從雪後登高頂
我亦峰頭一玉人

龍眠風雅卷二十二目錄

木厓潘 江蜀藻輯

太倉周 肇子俶

同里陳 式二如 叅

方拱乾 二百五十七首

龍眠風雅卷二十二

木厓潘 江蜀藻輯

方拱乾

字肅之號坦菴弱冠負文譽經史一覽不忌

崇禎戊辰進士館選第一假歸十三年授編修稍
遷至左諭德分校禮閣得人稱最盛尋晉少詹克
東宮講官甲申不屈南歸無意仕進順治九年以
江督馬國柱薦起補弘文院學士轉少詹與修大
訓等書嘗扈從世祖駐驛南苑天語溫問一
傳為異數晚以舉場事被誣出關二年旋得白
歸年七十二卒門人謚和憲先生公偉貌修髯風
神秀朗生平酷好為詩每製一篇必經百慮手浣
花一編探其壺奧雖流離播遷無一日輟吟咏凡
其憂喜悲愕感慨閒適以迄文章聲氣尺牘郵筒
所不能抒寫者悉寓之于詩故其詩獨富所著有
白門鐵鞵裕齋出關入關諸集予讀其自序何陋
居集云他日知我者不知我者當亦曰此白頭老
子尚能于萬死中自寫宵臆庶幾與少陵他鄉
遲暮不敢廢詩篇之意彷彿其百一乎觀此可以
知公之寢食于詩矣集中錄舊作纒二十餘首乃

音韻通雅卷三十一
得之扶輪選中外此則登何陋居集什之四登魁
菴集什之六于美夔州之句東坡海外之篇皆得
自暮年詩律益
細良不虛也

雨中偶思飲酒適藏醞殊佳偕兒輩盡醉

秋霖肅晚窻遠心忽及酒老妻指敝厨一甕藏已久嘗
厭兒喉饒叫索說無有開瓶爭雨清香落梅花藪薄斟
答簷浙紅上衰顏後須臾散書堂屐齒響廊牖望筵意
吝且趨几脚奔走初嘗規矩循鞠躬長稱壽兄弟揖讓
間始恭而終否拜跪雜採攫巾袍漬餘溲倚柱漉殘壺
取笑破老口心愛父母權益盡饕餮醜喧聲燈燼搖盤
空尚濡首瓦盆貧家常意不在升斗

聽家僮述長安諸老慰問殷至感贈

有僕長安來告我長安事皤皤白髮翁馬上頻致意動
口說前朝停眸強制淚屈曲問眠餐周旋到童稚簪笏
共旃幃鋒鏑借途次經歷已他生入耳恍夢寐一感故
人情一悲身世異生非稷卨才復乏巢由志空慕五岳
遊難割向平累拚死終偷生遯荒偶然遂豚犬代馬牛
皇天謝位置旅食苦田荒江船拾殘穗破屋當深山方
塘網薜荔栽花雜榛莽高吟抵歌吹竹載隔城峰鐘落
前溪寺門巷閉春秋杖藜溷屠肆旣許高春眠亦容溪
夜醉茹芝太荒唐種瓜翻滋媿本無束帛羅誰言草木
棄腕倦京洛書書空原無字峩峩柱石陰下逮烟霞芘
古今膠漆身出處每易地白雲懷袖多驛騎難將寄

鳥

黑鳥不白頭
觜巨翅掀翻
滿人聞聲喜
云是祖先魂
禿捨繫布絲
歲蕤短墻根
招招下來拜
懽呼慰子孫
瓜肉食必飽
陳設如祭膳
鳥獸識本性
猶知天倫恩
不聞杜鵑鳥
啼血來蜀門
帝王化羽族
到今稱至尊

白蛉

白蛉是何物
中原初不聞
出關見種族
極東遂芸芸
逐如野馬塵
集如殘敗軍
其毒甚蜂蠆
瀰漫等浮雲
殺之既不武
縱則飛無垠
清霜昨夜零
性命安足云
吾膚猶沃若
嗜吮何殷勤
千古小人態
生死空紛紜

補籬

柴籬雖微賤
難與去者留
誰道屬吾物
皇皇議增修
旣避車馬喧
復爲鷄犬謀
離山不百里
柯條亦易求
指揮先僮僕
枝撐審剛柔
仍餘屋角地
種柳東西頭
意中結方塘
蔬菜繞清流
忽念故山居
青青松竹幽

早春雜興

春氣穉未壯
悠悠動林莽
不見斑鳩啼
流膏欲潤土
耕耘在何方
妄指城南塢
力作性不能
低頭愧塲圃
典衣買丁男
越境購健牯
吐食慰朝饑
炊豆飯夜午
寸鐵未入田
望已盈倉庾
筭翻神農書
長謠學太古
平生慕老農
今日成田父

啜茶

靜啜泉味出乳花生舊磁童子怪舌靈遠汲不敢欺滌
器還審火不假他手持笥中穀雨芽又及穀雨時風霜
不改色猶如初脫枝俯以沉水香坐對古人詩窮居寡
羶縛至味含辛夷飲茶如飲藥翛然堪扶衰

育盛買得讀書几請詩

卽次尚未安先買讀書几讀書几讀書几讀書几讀書几
清場圃畢高山多杞梓斧斤視厥力構屋甘陋庠蔬園
霜欲滌西偏足容趾誦讀三冬餘樹藝明年始我來行
李艱殘篇雜泥滓合汝今所攜分披頗不鄙重複繙九
經繁郁逮諸子問字老夫堪師友柴門裏高吟鳥獸羣
是亦伊洛里

煮麥

煮麥堪作麩剝豆亦成豉瓜茄荒未鋤朝園如市肆舉
家大半齋不齋亦蔬食親朋偶然飯無復主賓義中厨
隨所供不辭亦不愧自食還食人生理慙惶遂

驅雀

雀莫啄我蔬我蔬種已遲老貧事事鈍辛勤還後時聊
用悅衰眸寧獨療長饑甲圻纔如豆不及隣家肥肥蔬
啄甚飽瘦蔬啄成泥饑我不飽汝兩傷將安爲欲驅不
忍擊短竿護疎籬我蔬肥有日除竿任汝飛聽汝嗷嗷
音生事同我微

漢槎示予金剛經乃予乙酉春手錄寄林子可任

不克壬辰復檢識界兒章持誦者慨而作此
有客朝梵餘示我貝葉字心知是子書蒼茫迷記憶前
後筆勢殊年歲分道媚前書乙酉春嘉興般若寺書爲
林溫州同難許相寄時纔歷滄桑痛矢入山志後書壬
辰冬白門重作記睽迤已八年殘函塵廢置雲樹不可
攀徒灑書空淚那刹又十年華夷三歷地萬卷盡飄零
蓮花端在笥衰睛勞摩準心傷魂欲墜如出他人手如
憶他生事甲申雖啞凶偷生猶偶遂林子雖別離關山
猶同類只今天何方踪跡胡然至生平好臨池工拙等
兒戲流傳夫何心仗茲無上義疲腕對琉璃筆墨抒微
勤百感歸一空義畫融榮瘁經歷歲月畸佛眼應無二

中後所遇長孫雲旂迎到

瀋陽聞汝來星馳急一見關外塵裹身拜起驚目眩頤
頤顴生鬚頗勝別時面結塞口難開引馬近牛羈老兄
七十三欲問膽先戰委宛餽以言高聲報善飯庶母已
八旬奉佛晨昏健次第及諸孫行止各鄉縣紛如破巢
鳥饑寒幸平善汝素工文章對云疎筆硯應傷陷窞深
豈徒奔馳倦旅孫乃錚錚行七玄成第三子學詩口如諺老友
嘉其才愛女成婉變姚樗翁乃予竹馬弟兄以女字旅餘各依母居脫
粟伴殘卷雖皆豚犬資頗有父祖念汝子生四齡吳儂
音睨睨曾祖衣上環時繫臂間線語多令路短斜陽憩
茅店解我舊狐裘同兒土牀薦夢醒摩兒頭心疑使手

顛誰料萬死餘再慰含飴願情定緒稍紓問答理後先
細述贖罪書西曹膝欲穿爰同驥行三育盛若曇行五
第一子第一艱辛歷萬變弟兄插口血淚濺盤珠霰思及龍鍾
骨頓覺黃金賤周詳歸孟浪危情恃天眷語罷痛失聲
屋梁燈如電自傷薄德翁負累兒孫徧遐哉陳太丘車
中坐羣彥

蒲團

蒲團小復敝甘苦十年隨綏禿經緯錯敗缺不成規浸
淫塞外塵繡蝕如苔衣山僧乞不與殷勤重所貽昔年
古堂頭古淵說法越水湄仲兒作縣令 國典苛且危
力護龍象衆曲霽獬豸威名山終法席脫贈等牟尼時

陳夫山俱罹害直指移檄甚嚴兒亨老夫客長安朝夕
力護持終其法事別時以此為贈

伴琉璃遭難趨北轅此物亦流離土龕石佛泣松火軍
持悲間關還故國行李勞提攜故物如故友出險忍遐
遺紉以新布裳跌坐增威儀舊杖斷還續對峙生光輝
王恭少長物子敬青氊微人生順逆境新故心依依

濟水

濟水行地底曲折隱見勞出與汶泗會乃能通漕艘黃
河走其上濟身薄不牢往往河底陷擁樁沒飛濤膚濟
以載河版築天吳操始知趵突泉激流所由高舟行值
積潦聞見晰秋毫水性本就下今則洩蓄滄禹功且不
及羣黎胡嗷嗷

泊宿遷陸汝七貽惠泉烹啜聊志忻慨

汝七年家子

飽啜惠山泉十二年前事提攜到長安已怪出山異龍
荒豈無泉掬泉如掬淚誰料黃河濱雙罌故人餽白門
六安芽兒子秋前寄兒育六月寄到翠雲茸蓄筭不忍烹恐為凡
泉累及茲試乳花水上松風吹如逢久別友如醒沉宵
睡再拜謝瓷甌一啜千端至飲啄事最微重亦不以地
所忻白髮翁萬里生還遂

寫懷

日月有晦息人生無止休役役疲心神聖愚同白頭動
極必思靜靜即動所謀窮達迷行藏歌哭溷歡愁韋布
鄙軒冕心則覬公侯猗頓營錙銖窮不異黔婁誰能生

不死誰能樂不憂帝王鑄金穴狐兔貢荒丘曦光不反
景逝水絕迴流春園昨日花可為今朝留八荒大局促
千載長悠悠

題于翔九所藏老夫庚辰年字

翔九為舊中翰安之子

汶上故人子手持縹緗字驚是老夫書廿四年前事藏
者人琴悲作者市朝異回思落筆時子生纔墮地珍重
孝子心家聲同不墜干戈風雨交緘滕豈容易急濡今
日筆更為當年誌拙腕衰彌僵經歷見老稚新舊徵歲
時他年重披示

喜陳子二如至廣陵特晤

百年幾十一堪此離別長生還踰三載見子仍他鄉前

音耶風雅卷三二
歲長安路錯迕繆相望只道鵬翮老秋風當一翔功名
不足言傷心在文章春江深千里感子孤權將料子多
白髯披拂猶半蒼予衰勿過悲身在卽身強徃緒千萬
端欲理紛無方惟有少陵詩細論口長張老妻隔帷聽
喧笑開書堂衰蹇應酬慵今日神何揚

得仲兒平陽書

游子遠道書所貴平安字老夫今日情平安猶次義仲
也梁晉遊秋鴻千里至書言裕舟車書言強寢食故交
多忠厚窮途足糗糇口口長安函告急意中事高堂勿
過愁兒甘任其勦旅况豈真懽飾辭娛親志憶遭患難
來侍側未垂淚作態學嬰兒神傷顏益瘁中夜號天聲

悲鳴感異類生還肩重荷萬端勤寤寐父母語艱難對
曰亦容易口甘衷則苦鬢髭白如刺伯也性狷謹臨事
心多悻娛兄如娛親百計相寬譬遂令其神壯驅馳有
餘地叔季走四方學步忘憔悴薄德值衰貧撫躬凜淵
墜或者孝友家皇天不終棄生平恃蒼蒼來復占溪意

亨咸爲其孫世黼乞書扇

津門纔睥盤已能成鳥語爾父去年來之無云能數爾
祖乞予書臨風將寄女爾祖書勝予學曾還學祖爾弟
亦及肩可能解笑舞何時繞膝前相攜老農圃

祗舍菴老僧過江問病

老僧眷衰疾遠涉長江道相見纔五十年頗輸予老病

緒對僧言自然歸幽討僧雛禿盡霜者宿多枯槁佛且
不能留萬物安自保予懷無一絲共僧彌浩浩但聞舊
菜園新支葢頭草清檐瓜蔬香口說已堪飽

荒田行

旅食不飽退而力田田荒十斛收三斛縣吏騎馬大聲
叩門索租錢租錢入官什取五租錢入吏什百且什千
五月糶穀從來苦今年新穀賤如土鉛銅錫鐵雜爲銀
官爐大鑄烟成雨莊奴貪莊農黠公空倉私狼粒計窮
只得賣荒田舉手贈人誰人憐富者不肯貧者不能賤
者不敢惟有抱硯确而顛躓號呼於五風十雨之天亂
曰種荒田不得粟賣荒田不得金搔首長饑不識天心
我饑猶可民饑勝我荒政十二兮首蠲租大臣不問兮
吏如仇春風吹雨兮青我疇薦蓑古人不我欺兮夜起
視牛

邏卒歎

西湖自古無明月錢塘門鼓黃昏發士女齊拋簫管船
冰壺冷浸湖光歇近來新添騎馬兵湖烟未黑斷人行
土音全學滿州字金丸亂射鳧鴨驚矚目湖邊三里寺
豺狼晝號狐狸睡上墳籩豆遭擒烹杖藜敢理遊人事
富家有租收不得田夫捉主賣送賊五金十金百千金
贖歸還恐官司識高樹柵門防賊走賊反鎖門置人守
前宵橋東殺牛兒昨夜溪邊賣米叟城中有兵雄且都

賊去山中兵在衢煌煌鐵馬四十騎縛得倡家兩博徒

敝觚行

市有古銅物陋不可玩歌不可食歷十朔望矣
無一過問者時之宜之物自審哉問之賈賈不
能名強曰觚乃作敝觚行

敝觚千秋土花古青崩紅剝堆蟲蠹荒田牛脚絆鋤根
驚風怯日膠泥雨如癸不方鼎不圓耳折唇缺壅腫肩
鑄工各餽欵識眯揣摩籀篆存當年長安廟市改爲寺
金錢捆載籠高騎貂皮狸鞞左撐天番珠闕玉右委地
中有儉父凍欲僵抱觚鵠立倚冰牀莖草颭風拜復定
云是瑚璉發古光日斜棚散無人問觀者等閒抱者忿

吁嗟乎此觚日月何人知黃帝成仙照鏡時露盤峨峨
高千尺歐冶陽精同手赤零環斷珥竊苔紋百寶戾門
裝冠烏昨夜蒼龍吼子孫不若宵迷雒水渾上帝不收
羲必貢后土難銷川瀆痕吁嗟乎置觚宗廟嫌鄙朴蒼
顏敢受鵜鷓濯琮璜瓚氣蒸雲丘壑冠裳觚不樂置
觚賓筵嫌龍鍾刖角偈腹貌蒙茸瓜指纒觸冷欲脫扶
持秩秩勞虛恭吁嗟乎識觚既難用更難長松私語拂
闌干我昔身同霜雪峙只今面逐勃澣寒四座莫喧聽
位置高不至亢卑不墜萬壑香林施食盤百年農叟楓
根醉

俘妾行

陳氏廣東香山何相國
之婦父御史夫令尹

穹廬有婦醜還壯內家半掩啼痕樣含悲約略說家門
阿翁曾拜前朝相父刻臺班夫令尹鬼妻血刃長加頸
衾裯偏受妬婦嗔赤腳擔柴手汲井早知人生一死難
父翁悔作當年官孤兒寡婦徧天下豈只區區何香山
薄命不獨紅顏女地老天荒恨何許羈人萬死自甘心
轉為閨娃淚如雨

賣牛行

駕車老特門人贈毛疎骨健性遲鈍負重致遠不萬里
一石兩石差堪任艱辛政涉已半程土人東指路難行
泥深石峻病牛足不如留此事秋耕中道棄捐客心苦
賣牛買粟充朝釜猶幸不為文繡犧餘年晚食終場圃

君不見黃鬚健兒昨朝饑生啖牛內剝牛皮牛生不長
生斯時

古城行

去寧古塔百里遺蹟儼然土人呼為貨龍城

野外有城磚石作七里三里堪尺度聞見雖多登者稀
斷碑殘瓦迷荒落土人口說何王地揣摩知是慕容字
苻堅敗後燕再興國分南北堪雄視相去遼陽二千里
高麗幅員不至此只今落落鳳皇城漢唐舊壘全亾矣
矧此彈丸安足齒不毛不臣天所委豺虎尚苦孤無隣
帝王安肯爭都市吁嗟乎腐儒手眼勿深怪循經據史
多拘礙君不聞地行天中天包地外天高地厚地小天
大地中皆水水多土隘惟土所居如螳穴如鳥巢不知

其幾百千萬億都鄙城郭如天宮之三萬六千戶耳目
無可稽而劫運不能壞唐虞三代亦不過就其力所能
圖成爲衣冠刑政之疆界此外芸芸而生者凡幾唐虞
凡幾三代輿圖曠不能窮史冊葬不能載然則此一區
地又何必問慕容爲何許人強憑弔而發深慨吁嗟乎
芳草濃霜冬復春巍巍閭闔久成塵莫傷踪跡孤窮極
城裏當年有住人王人曰詩曰王出遊觀賦其慕容字
玄成以讀書凡請作歌書其面謂其面讀書不問地窮荒卽衡泌讀書不問几榛棘卽梗梓勿
言禍患樞咎不關讀書勿恨遭逢苦讀書娛今古寒空
閉晝清霜屋端居何以遣幽獨縹緲出塞轉精神蝸涎

蠹蝕增金玉笑予老鈍一無能眊眼摩挲抱膝吟汝年
正是讀書日丘墳以外當何營蒐討冥揆無二理屈宋
亦在開濂裏饑寒彌見聖賢心千秋多少流離子憶汝
三歲識難字鷄埵鑿坡如夢寐名姓長勞 旃幄呼燈
膏難醒氈裘睡吁嗟乎挂角驅鷄安足論箕裘舊物百
年存好恃一片光明木留印雙趺萬卷痕

輯今年所作詩

老鈍詩篇無拘束客愁絕塞才思縮雕鏤旣覺衰顏羞
潦略復恐先賢辱持此兩柄將安從汗漫經年倏盈牘
長吟掩卷不示人吳子漢槎時來共見讀丈夫僅以詩
文傳已負平生悲鹿鹿况復荒榛絕見聞江左鄴中只

音耶屋牙卷二十三
茅屋萬事心灰一卷勞性情陶冶娛幽獨千古文章自有神光
苾苾豈在登青竹

遊東京舊址

荒烟平斷七十里鬱葱樓閣雲中起心知村落無此觀
云是前王故宮址馬近萬象漸虛無觸眼頽墻長荆杞
衝城車軌滑於脂崩橋留堞橫流水天街蕩漾接龍樓
右垣左个分明裏明堂居然南面存階墀陞城紛堪指
寢殿回廊領六宮瓦破鴛鴦疑墮珥平臺柱礎布基明
野杏花殘新結子金剝忽聞南市陌毘盧百尺嶙峋碧
蓮花刀削太華峰想像莊嚴如滿月石塔玲瓏八面虛
金莖孤峙天山雪萬井周遭車馬痕青苔細蝕琉璃屑

鐘鼓依稀晝漏聞狐狸睡處鷓鴣列宏模不讓澗瀝雄
匪同草昧蝸牛穴惟餘閶闔缺炎方似避當陽守臣節
不然事事等帝王方隅割據那能測步步披尋步步真
遍地榛蕪無字碣吁嗟乎今古典亡原等閒聞見雖湮
猶史冊如斯宮闕屬何人稗野差訛文獻絕岩關一線
斷梯航金匱粟死摧鹽鐵憑誰雲構誰星羅六丁縮手
公輪拙朝鮮疆宇本荒唐指畫金元亦渺茫烏絲分封
曾闢土東京或恐是臨潢此中大抵樂浪地洪範千年
寡記憶土人掘得正隆錢揣摩難合當年事譌呼慕容
爲賀龍阿房更始多茫昧書生耳目何內外信其所傳
置所怪豺虎有口不能言青竹幾曾蝌蚪在六合奇離

何不有洪濛益見乾坤大吁嗟乎楚殿秦宮盡野蒿彈
丸何處問前朝莫悲萬古無人境多少英雄向此消

降乩行

塊爾無靈方寸木交橫十字如車輻截筋簪頭似珥毫
輔以書籤斷紋玉竹皮條子澹朱書頃刻風生兩腋如
龍蛇畫脫平沙案大者如椀小如珠碧落黃泉莫適主
飈輪霆駕隨心舉李夫人自帳中來楊玉環同樓上語
昨宵皓鶴王喬壇今日蒼麟帝子渚呼之若應聽無聲
不符不咒自然靈有時鸞嶺蓮花座驀地山魃辟荔城
筵筭不事文字建安才子褰裳至滕王閣上落霞明
玉樹歌中鵲血淚不知胡帝復胡天作者當時未必然

董威束手靈均啞情狀叅玄更格淵虛室無人疑自動
睜眸白晝黃昏夢若有憑焉何處神函關誰挽青牛鞵
懷疑有客頻揺手六合內外何不有聽鬼由來亂世情
筮短龜長皆敝帚

葺茅屋歌

茅屋雨小茅尚存茅屋雨大茅翻掀雨片如刀茅力弱
茅斷屋破驚傾盆少陵猶有茅抱去我茅已腐歸泥淤
天晴急向比隣謀家家屋漏無尋處故人憐我書床濕
胡子明遠屋上分茅束百廿補東遺西迥難支力到窮
呂子玉繩時視所急公然几硯位置安窓紗碧映護花闌暫晴未
敢矜茅勸赤日爭看露地乾雨過誰家不營構營構誰

能長不漏片時適卽廣厦棲綢繆風雨需先後君不見
乾清天子萬年宮鏤金削玉水衡空前年雷雨隳墻壁
司空鐫秩勞羣工吁嗟乎人生寢食何醜好阿房圭竇
同草草懷居戀土自常情大地猶如一枝鳥

水盡頭憶顧見山

顧子尋山如尋畫遇峰必登石必拜告我清溪石皴奇
李唐荆浩爭靈怪我來直溯溪之源石光水光相吐吞
持子筆墨印水石始知手腕元氣存曾許老夫絹半幅
興高盤礴溪山曲最愛臨溪青蓋松好爲孤根添茅屋
淮陰釣臺歌
吁嗟乎此卽手奪西楚霸王之天下擲授沛公之韓王

孫所乞食而垂釣之臺真乎否耶淮水千年流不絕涓
涓疑是龍且血真王假王竟寂寥荒椽斷瓦棲殘碣相
背相面豈不知奚待文通掉舌時信善將兵帝將將自
知大事無能爲當年墓傍留萬戶規模不過公侯數游
魂雲夢尚未蕪嘵嘵絳灌羞爲伍吁嗟乎重瞳鱣鮪呂
雉則鰲釣而不獲轉授以刀豈徒不及任公子胯下相
逢羞欲死帝本無情假婦人吞鈎卽在登壇裏吁嗟乎
古今幾箇渭濱翁嚴子灘高七里風文叔心情類而祖
垂綸良是善藏弓

偶簡舊西洋眼鏡戲題

眼光寧假人功作西洋老賈好穿鑿煉石爲之爭鏡明

波生銀海浮而薄老翁入市攫如鴛少年嘗試翻添霧
我衰萬苦百骸摧雙瞳落落還如故門生贈此已十年
攜之出邊復入邊老妻畫上數蜂蝶偶一取照青燈前
將來明暗審目力自然灰墮不及昔置此尚能作字能
讀書姑留笥中以備他年不時需

偶爲張伯頰歌

憶昔詩酒場君壯予方少予今已頽齡安得君不耄吁
嗟乎八十老翁何所之交游莫問盛年時古今賤老况
此日黃金散盡無還期所欣狂奴態如昨筆底青山囊
底藥高歌不管鬼神愁醉鄉千載同溝壑我貧恰有賣
字錢買船沽酒急須顛昨日桐城姚樗叟少予三歲已

黃泉

龍舟行

龍舟只合依江滸窮荒幾載無端午每逢佳節必心傷
翻笑靈均何太苦今年端午廣陵城廣陵江接瀟湘清
競渡流傳風俗舊絲絲畫舸勞紛爭白龍初試邗溝水
噴珠撒浪潏蹄裏龍尾高懸十歲兒弄丸波上平如履
相期明日鈔關亭簫鼓喧闐粉黛屏家鳧約束纏頭錦
鑄鑠封題撮口瓶再生老眼驚還喜物力猶堪裕桑梓
但當努力開口爭逐衆人懽勿問龍舟當年因緣所自
始

四壬子圖爲爾止弟題

開闢以來四壬子支干若爲詩人使曹劉沈宋幾時生
茫茫歲月誰縷指哲弟稱詩世共傳墮地同符豈偶然
衰愚莫怪難方駕自悔先生十七年

羅漢佛珠歌

兒標湖上寄奉老夫

桃核鏤成凡三十六軀備極工巧

吾聞天台阿羅漢凡五百尊搖山履海雲雷奔誰使比
肩連臂入予腕三十六軀龍虎蹲諦觀當是蟠桃核橄
欖之實疑太窄鸞刀歷歷太分明鬚眉瓢衲飄高格兒
子知予老無爲詩聲長與佛聲隨佛眼佛身同佛號肅
肅諸天大樹時衣袂深藏留細字衰眸持向陰檐試料
汝瞻雲慮我眊只茲堪慰晨昏意記得湖南淨寺相巍

我指瓜莊嚴較若何六橋三月懷遊子今日如偕湖上
艇

醵金行

王子自牧爲林茂之束裝歸同人感而作歌

嘗讀少陵詩安得廣厦千萬間心笑此翁迂且頑當今
眼見王夫子始知古人腕駮指困事等閒九十詩翁貧
帶索手援頓起溝中涸舉世賤老更賤詩層雲特爲高
風薄目前豈少石季倫肉臭誰憐路死人一錢能令造
物轉萬古黃金今日神吁嗟乎黃金益貴仁義寡感恩
不獨一受者

六月六日兒輩集張郭王唐朱席諸君琵琶篴
說事度曲竟日以解老夫病乃爲之歌

兒孫侍病心彌苦百計爲權到歌舞善才琵琶秋娘喉
供奉詼諧龜年譜大槽奔雷小槽珠低聲嬌鳥高聲虎
海內好手不數人一時羣集如風雨四座瞪眼靜不喧
破顏微覺衰容嫵吁嗟乎老夫伏枕百有五十日昨日
三女郎飄然來問疾今朝絲竹豪聲遶蘭花屋尚能持
殘杯尚能操短筆枯木甘心世共捐藥鐺檀板爭眠食
只此已拜天公德君不見昨朝江干皇華子樓船駟馬
趨珂里中宵無病平明死

程穆倩爲老夫刻龍眠方某一號魁菴圖書

程生爲我鐫奇石秦碑漢篆渾莫識但見古光一片挾
雷霆雙睛萬象登時失中間龍字號字更橫肆蒼頡搖
頭忘記誌程生自言生平得意章揮畫則狂心則細程
生經年經月不動手盤礴偶然呼斗酒飄風驟雨頃刻
成不向人間覓蝌蚪用刀如用劍公孫大娘常相見用
刀如用筆五岳峰搖鬼神泣老夫七十賤名字得君聲
價增瞻視不忍塗朱三摩挲程生程生奈汝何

纔買得茉莉盆

種賤因時貴香從鋒鏑生見希應共惜枝弱不輕榮衰
髻分朝夕叢蘭識弟兄常愁江路梗今日信銷兵

松山

前朝諳敗績此地乃松山一戰傾明祚千秋輸漢關濠
深流水咽石冷血花斑舊鬼終年哭誰知丞相還

募僧收枯骨

敗亾二十載枯骨尚如麻中豈無才智生原有室家啼
魂昏白晝掩面乞黃沙何處煩冤盡觀空仗法華

晤剎和尚

羅浮何國土強說是君家誰謂三韓艸偏殊五嶺花道
心增馬齒佛眼小龍沙疲茶原無恨何勞代我嗟

寧古塔雜詩二十四首

異俗難爲悅平衡亦寡猜忘情遊鹿豕隨意侶蒿萊塞
北猶回顧江南豈易哀艱難兼鹵莽吾道合塵埃
勿言老死近只作受生初是地卽成土何天不可居鴻
荒隨手眼今古總遺廬一室心同遠千間誰過予

萬法了無味瞿曇畢竟賢相經風雨好燈借爨薪傳依
託八千里顛預六十年蒲團相對笑開闢此中禪

輿圖旣軼考聞見復沉淪廣袤凡萬里秦蕪絕四隣安
知千載上不有似予人愚智同黃土摧頽莫損神

萸稗公然熟瘦瓢香色多非關珍異種久矣賤嘉禾腹
果無餘味神充具太和含舖疑聖訓惡莠欲如何

同來二三子錯落住山樊風俗隨鷄黍榮華足瓦盆烏
棲柴柵巷驢背夕陽門何必愚公谷枌榆已是村

向使買山隱那能如此深只今坱圠外獨具沈寥心皂
帽還言近黃龍安可尋惟餘簷際鳥不譯有華音

但作前因解猶非素位心勞生原自古任運復如今底

事成完好何方不陸沉
逖荒還逸老華路亦山林
怕作鄉關夢生憎京洛書
冷灰原喪我絮語轉愁予
麋鹿豈長聚蟬蛸總太虛
象王絕回顧久是厭離餘
侏儻何處子指此是中華
魚鱉長充米貂狐欲換瓜衣
冠傳自異風土較來嘉益感
君恩厚投荒亦有涯
出門隨所適不問入門愁
漏屋睡常足荒厨飽卽休
照臨同日月金石幾王侯
土著猶羈旅長歌塞外秋
狼狽何生理經營徒自煩
先來諸長老浪指野田園
菽豆他家困柴桑明歲村
意中堪眼飽饑餓忍朝昏
版築規模隘鉏鑿牧豎驕
蝸涎驚廣廈象教學孤瓢
茅淺霜先老籬疎市不囂
擬將河畔柳傍戶插山腰

少陵夢李白詩苦不堪吟
顧我才名媿何人寄托溪常

懷天寶恨難問夜郎心寂寞
青山路千秋猶舊岑

一几同兒坐分頭各讀書
衰年遮眼目旅食答居諸
難字休輕過危機莫浪吁
古人終不誤沒齒愛三餘

飯罷扶筇出兒隨恐力疲閒
情愛獨往信步寡前期
屋外清溪水霜餘黃葉籬來
迴途漸熟僕僕復遲遲

霜重風還善秋晴煖似春
有聲飛過鳥無事獨行人
緩步成幽徑新居認舊隣
坐談淹落日不厭杖藜頻

動卽良朋屋許彭諸子交稀地更偏
沓來眠食共一道往還

便久坐能淹夕如茲可送年
曩時桑柘社尚覺費周旋
紙貴揮毫澁蠅頭細字餘
豈無兒代筆聊試老能書得

句憑誰和懷人寄復虛敢言才未盡吟嘯當欵欵
隣家邀麥飯信宿已相期不速寬朝粥因循減午炊窻
街霜煖日堦剝露殘葵老鈍歸途晚蒼蒼明月隨
何處山查子名同味亦同故鄉霜落候童稚摘盈籠入
口如逢舊傷心是轉蓬神農應憚遠詮註有時窮
溪清魚可鑿不得亦怡然共愛舟如筏還矜鯽似拳沿
洄依岸廣欹側倚沙眠莫笑爲漁慣予家江水邊
已結此生局登車如蓋棺偶然餘一息何事尚更端不
絕星辰閏無垠天地寬饑來隨匕箸非是強加餐
殊方第一節中秋天似眷羈人圓月正中地危逢初憩
身饑厨催杵急殘帙試燈頻客睡常愁早今宵坐達辰

飯後步階下

坐久思扶杖衰筋屈待伸青精何處飯偶食荒飽此時
身簷際無多步經聲試百巡懔懔還汨汨又度一宵晨

兒亨雪中遣小童持史記向吳漢槎易漢書

柴門開凍徑雪裏送書童亂世斯何物清晨溷乃公校
簪當日義斟酌幾人同共笑雕蟲技窮荒益覺窮

九日

鬱鬱連朝雪蕭蕭九日晴異鄉誰送酒令節但存名目
斷天無極風高臺轉平莫嫌人跡遠雁亦罷南征

移居

總一萍蓬地安居復徙居倦飛無定鳥微沫且游魚茅

短山依牖床高雪映書不知誰結構強說是吾廬

早起

長夜準朝眠霜嗽到枕先家無煩老事人愛早晴天研
洗和冰墨爐溫隔夕烟星星平旦氣孤坐倍醒然

聞江南寇信

浪說樓船變江氛接海氛大廷正神武小寇乃紛紜孤
跡迷青嶂全家隔白雲難餘輕世亂消息任傳聞

喜通鑑綱目到

縹緗祇舊物邊地卽奇書義頡新蟲鳥丘軻老蠹魚古
今歸瞬息日月等空虛乍到矜初獲孤燈積雪餘

糠燈

名借糟糠重光爭螢火微空教照蔀屋誰與助清輝化
燭心難問懷珠願久違夜深霜際月相伴影依稀

崇寧錢

古錢命如客一樣嘆飄零日月當年鑄山川何處經苔
痕爭蠹蝕夜氣伴龍腥金盃三朝變猶存肉好青

玉階怨

雖貴原因色容華敢自傷悔先當寢室恨不隸平陽掩
鏡思流水開門迎太陽還疑天上顧萬一到殘粧

蔬食

經旬未肉食却不以齋名佛亦難容世人惟安此生何
顯心自好蘓晉眼長清夜靜風如磬新詩作梵聲

龍眠風雅卷二十二
壁間供佛

淚隨膜拜落斯地見斯容累佛知身業依僧學律恭回
思千月影遍對六朝松誰信蓮花界萍蓬與客從

劉重顯卜居沙嶺

自嫌荒漠極猶有住域名獨去躬耕地纔窮遠竄情就
車隴草近繞竈澗泉清同作辭鄉客離羣恨亦輕

得家書

尋常烽火裏不易是家書况復關山外更經憂患餘情
危徵字澁緘清計時疎今夜燈前眼翻疑見面初

挽廣和尚

遠竄已如死翻憎會面多十年隔江水一月聚遼河瑜

法寂無語論詩耿不磨雙趺何處見夢裏示維摩

寄懷赤公

撫順河邊別心傷色故懽至今關外水猶帶去年寒禪
入交情古空開絕境觀懷人應有句莫作棒頭看

三月十六月上僅半輪久而知其食

月食不聞令驚虧旣望輪占天寬外服修政貫羈臣太
史傳應遠朝廷德自新春秋何數數筆削亦勞神

兒育兒膏至

是亦名團聚何如離別愁周詳勞聖澤踪跡豈人謀勿
問稻梁計聊紆道路憂夜闌休秉燭留夢守江樓

寄張壻濬之二首

漬血浮書面淋漓弱息情老夫開忍視而母痛無聲誰
識皇天眼空勞搶地誠悔教曾讀史動口說緹縈仲女刺血

作書
寄子

臣罪勝喬固寬恩感法輕嬌孫如李燮半子卽王成善
後何長策從前信積誠茫茫理數外猶自說平生

辛丑元旦二首

殊方兩易歲節物轉尋常自顧鬢毛定翻嘲日月忙眠
餐駟土俗梅柳自江鄉蘆酒隨斟酌偏先年少嘗
兒鬚看半白老子老如何罪籍天倫具頽齡道氣多龐
公法眷屬杜甫句婆婆經歷回頭幻休驚歲似梭

愛閨

老人翻愛閨甲子有紆籌萬事成餘計浮生何足謀閒
心不記日異域又經秋佛火無盈縮朝朝照白頭

拭梅根杖上塵

敢借危途力難爲塞上塵涅緇留本性樸直彌衰身香
發經冬雪根蟠故國春葛屨千尺影時欲度江津

偶得生雉畜之二首

呼吸判刀砧藏身悔不深幸充君子玩聊稱道人心歷
險徵微命全生託梵音好同施食鳥旦夕繞香林
莫作羈縻恨應懷飲啄恩平生負文采物色感溫存柴
柵依花靜霜畦落粒繁秋風吹羽翮還汝舊山樊

負暄

前集卷二十二
霜日竟如春羲和厚老身豈無狐貉煖難及太陽仁破
帽欷頭白殘書過眼新低欄忘刻影不厭欠伸頻

辛丑十月十八日得召還信四首

驛騎傳何語生還竟是真猶疑平日夢難信醒時身搯
臂却知痛歡顏轉訝人喜狂心倍苦不覺淚沾巾
亦是意中事尋思轉覺虛誰教天上雁真活轍間魚魂
斷招纜續形衰命似初神搖還手戰怕讀寄來書
嬌孫書十紙一字一啼痕新政懸天澤書生排帝閣共
憐黃口力能雪白頭冤慙愧升卿視淋漓洗覆盆
灰心甘異域不敢夢鄉關每怪兒曹語長懷故里山果
然無妄福竟賜再生環繞膝燈前笑加餐看老顏

月集南池

爲問南池勝名因杜甫傳我來當暑雨一樣晚涼天老
樹閱游客繁荷弔古賢娟娟明月下流水幾千年

偕凝齋兄過鐵塔寺登準提閣

夕陽過古寺鐵塔映危闌總角弟兄老他鄉杖履難磴
高矜力健天廣盪胷寬鄭重追隨意家山遠近看

遇戴葭潛欣爲老夫寫照二首

自恨身多累那堪身外身灰心三大業靚面一庸人久
識衣冠誤誰言瓢笠真相看成爾我筆墨感前因
衰醜世爭棄偏勞顧虎頭翻言得意筆特仗老顏留筆
表是非鶴滄洲來去鷗欽崎鈎畫外更獲解人不

野服不驚市兒童識老翁時常獨來往只在徑西東水
釋梅應坼湖融艇自通青山在屋裏步屨幾曾窮

過道院逢浴竹

竹體本鮮淨何須拂拭溪雨生童子手青出道人心頓
異空塔色還留靜夜音羈棲爭尺五分得此君陰

客至

翟門客不乏晴雨破蒼苔豈為文章顧應憐老病來貧
無投轄井坐有落花臺剝啄聲元靜崑扉長自開

雨夜簫聲

秋燈明細雨何處度簫聲斷續芭蕉響依稀蟋蟀情客

心隨老靜夜氣逐涼生不必聽終曲簷楹本自清

老妻六十五初度二首

老妻偕我老辛苦信同遭五十二年內百千萬種勞翟
珈難重憶井臼至今操鹿駕幾時遂蹉跎慙鬢毛

羣兒席不暖菽水自然難聊借門生酒恭承堂上懽菜

衣宮錦舊鴻案客厨寒桃李苔岑色移同松柏看梁子貽尊

外甥孫齊子升如特自桐顧老夫于廣陵

我正悲同氣方抱先兄之戚爾來添淚痕因兄追痛姊似舅只

遺孫千里江濤易十年顏面溫他鄉驚聚首骨肉重根

源

東杜于皇具前題半舖寒叟苦霜前古人

客裏還憐客孤身值歲終年輪衰叟老詩信古人窮酒
攫屠蘇醉春生墨瀋風元正新試屐先合過墻東

謝稚恭惠鱒魚盤二首

持筯勿輕下應憐推食心同經患難後益共苦甘深舉
網矜誰得臨流羨至今老饒忻指動飽德感清礎

轉是吾鄉產廿年驚未餐腴添邗水味色重故人盤張
翰思徒切馮生缺漫彈白頭叨口腹飲啄見同懽

朔日于皇見過留小飲適楚人舟次來共集

杯酒齋期供情緣詩更真何來門外屐復是句中人旅
徑羊求滿衰齡文字親城鐘催客醉不爲濁醪醇

別陳三如

問字得吾髓分霜及爾髯驚看弟子老莫怪歲時淹絮
語燈重接狂歌酒漫添積懷攄旣見路近別何嫌

晤林茂之時年八十五矣

猶是丈人行相看若鼎彝別時已屢空近日尚能詩賓
客前朝事聲名同輩誰對君忘我老白髮快追隨

再遊桃花塢

三月十四

再到桃花老窮探悔後期誤看已謝樹認作未開枝衰
眼禁榮落浮踪任合離成功春事足敢怨晚風吹

忽憶

蓬門忽記憶昨歲此時來梅子坐看熟萱花仍舊開久
羈忘土異拚老任年催庭樹新雛鵲相依政不猜

前集風雅卷二十二
因仲姪歸簡陳二如問其註杜成未
共姪論詩數興情必及髯解人寧易得作手幾能兼學
杜經年久同心立格嚴拈毫析微義應爲老夫添

螢火

莫嫌螢火小此地古揚州曾伴隋皇帝長爲永夜遊至
今星月影猶帶綺羅秋殘卷無勞照車生已白頭

研齋自毘陵來

奇氣降難盡清言入道微從來歸宿地自有合離機學
力隨年長空萃著眼非最憐鞭影疾對面泥依違

爲宣爐謝辟疆

爐傳宮鑄舊得子品題真物亦感知已情非諛老人千

秋爭璞玉一顧幾麒麟久笑囊如洗今朝頓不貧

喜晤吳見末論詩

詩人不厭老白髮及茲強海外何山水歸來舊草堂不
須詢險阻終只愛文章試讀夔州句偏勝年少狂

喜晤施愚山

就亭傳結構

愚山官舍內亭

江水遶孤城恨我老難到如君清

更貞古來峴首地寧異宛陵名此去新吟滿應添邗上

情

立春日買得蘭花

土鼓朝纔擊山蘭入市盈易生驚物理徵貴感人情栽
向梅根瘦開同客眼明閒心寄草木又見一年榮

青島風雅卷三十一
吳楚人見過闕展待
偶爾看花去虛君踏濕來尋常艱一出今日又空回豈
爲前期寡難將風抱開古人訪窮巷不遇亦詩媒

鸚鵡歸二首

飛去五十日凡三返
棲庭樹自歸講上

拚與樊籠別誰教去復迴飄零何樹木揀認幾樓臺懷
舊凡三顧同儔不一猜渾如江海上遊子賦歸來
稻梁寧足戀應感主人知毛羽憐殊衆聰明記授詩鷹
鷂原滿眼天地亦多岐歷盡人間路纔甘穩故枝

瓶蓮

膽瓶堪眩眼身况在花中勝事遊人說穠華昨歲同分
香通枕密借艷作顏紅好向溪橋語留芳待病翁

于皇從如臯來見過

知子念予病知予念子心衰年危白髮客路貴黃金携
得水雲色由來湖海襟呼兒停煮藥傾耳聽新吟
題亨咸爲奕箴畫家山讀書圖

畫山原不盡畫自具山奇樹石歸形似樓臺任意爲彌
增當日勝益重客中思舉目邗江壁桐溪秋曉時
移居後謝楊硯蓮

授餐兼問藥不獨一厘私只此頻移跡追思三匝時平
臺低衆壑叢竹隱深池幾度看明月依依戀舊枝

答程端伯

端伯和老夫初度
詩十二章賦謝

不見故人作于今十二年幾經猜面色何得挹詩篇好

句忽天外全身現眼前喜狂呼欲絕把卷復潸然
朝眠甚適

夢醒微睡足窻紙上微明任舉世間事無關檐鳥聲敦
願徒有術禪悅亦空名何似灰心叟濃霜布被情却平

同兒膏小飲

怪我忽呼酒挑燈一舉杯梅花今夜霽遊子昨朝回絮
語同詩吐寒籌信市催比來空斷飲涓滴本能開

瘦

骨已無堪瘦顏猶借酒紅老妻心口裏明鏡淡濃中自
古清虛貴難言秦越同春花不相厭宛轉伴衰翁

五日開家醞小飲

亦有四方酒偏耽家醞嘗記從笏臘雪即指待端陽作
手親開快微醺病力當老妻偷眼笑不為醉容狂

忽得同年解拙存書

休沐峭函尚未兵幾回消息問柴荆拙存以壬申假歸
里予先三年別

及予再出朝廷亂念子多虞虎豹橫久病轉全稜木體
周饑難悉雪霜情比來恹恍停雲歇乍得音書心反驚
宿遷有西楚項王廟弔之

赤圍縱屬斬蛇人非項那能獨破秦權絕烏江餘大勇
撞翻玉斗見深仁歌騶有血還勝琬烹狗雖功不畫麟
成敗皆天誰敢議黃河聲帶萬軍嗔

簷鵲

簷鵲刷羽靜不下堦空晝永時一來盤餐分食若有意
書卷長把良無猜繞砌乍馴忽驚顧呼雛遠引還飛回
羽毛饑飽亦分定人生拮拾胡勞哉

寄鐵公

山氣四時清獨秋老僧住山秋更幽桃花長憶杖藜徑
木葉倏鳴城市樓廿里騎驢豈遼遠經年懸榻何夷猶
松間片石知頻掃明月崑扉幾夜留

新月

新月羨高落日微風下引清光涼蘭花不吹香近遠
梅子欲雨實青黃野老竹徑抱琴至故人郵筒詢藥方
北窻偃卧盡旦晚晚色獨起轉空蒼

保障臺

傍海孤臺荒且危昔人築此欲何爲千門望斷平安火
五夜聲號骸骨悲成敗敢言軍似戲興亡自古局如碁
獨憐疲蹇閒尋處想見當年萬馬馳

廣寧城頭

鑿巫閭是望中山指點殘黎疑信間北鎮神誰憑享殿
南冠人尚戀榆關光熹往事傷心久劉杜征魂帶血還
慙愧高岡祠李靖紀功碑斷蘚花斑

晤赤和尚

贊公杜老同羈旅尚在輿圖版籍中嗟爾窺身來絕漠
聞予去路更蒙茸孤藤卓處心調象片笠擎來雪印鴻

撒手幾回還執手誰言別淚礙虛空

公雜感三首

淮海高牙仗虎臣舳艫萬里接通津尚書履正留天閣
漁父歌驚問水濱豈有杜蘅終古恨空看蘆荻大江春
轉將憔悴荒原淚灑向從龍授鉞人

金焦浪擁陣雲寒怵薛驚看戰鼓殘狹獮未曾歸右鉞
麒麟早已呈南冠三韓血染櫓槍赤二水膏流肺石丹
縱使王章寬介冑那堪大樹折江干

繡衣爭道出江東貫索俄縈御史驄省咎幸無鉛槧重
遭時亦遇網羅工播山羞問狐狸窟煮海愁聽魍魎風
眼見榮枯曾幾日殘生猶剩鹿皮翁

給官糧種子至

公田野困分春種黔突荒烟飽暮殮不到千山十死地
誰知一勺九重恩雨過牛力寬砂磧日落鷄棲鬧瓦盆
自分生餘豺虎吻官家猶似護殘魂

過兒玄屋

偶作詩書其几上
招吳漢槎來觀

別院兒居時過訊晴窓坐久雨冥冥棲鷄樹隱籬根綠
牧馬山歸枕上青棊几墨酣留句老蒼筤香靜識經靈
隔墻求仲招尋慣踏濕應來戶莫扃

五日

湘鬼當年怨骨寒誰教末俗轉爲懽只今萬里孤臣淚
灑向千秋五日看柳葉旌旗空薊北沙棠簫鼓自江干

茅檐白水菖蒲泛醒醉無勞問佩蘭

聞李吉津宮詹奉詔入關

時以旱禱肆赦

桑林詔出玉門關八載纍人此日還臣罪寧甘六事責君恩豈獨一人環荒阨浩氣窮通際溥海天心倚伏間莫向蘇卿爭伯仲丁年甲帳尚堪攀

聞季天中給諫奉詔歸骨

批鱗當日已無身碧血寧須塞外燐帝許孤魂依老父

天將一死表忠臣若敖有姪承簪笏

詔蔭子

賈誼無年對

鬼神慙媿同行多白髮龍鍾水海漫垂綸

九月十三夜月明兒輩就許姚諸子酤飲吹簫賦

詩詰朝向老夫稱說亦為勃然用漢槎秋字韵

月朗深憐霜夜秋少年襍被強遨遊洞簫聲變難吹市吾土心非肯上樓未必佯狂全是酒也知歌笑甚于愁三更魂轉茅檐靜白髮丹經坐未休

悼古二首

休將玉樹泣西風自古蛾眉幾命終飛燕粧銷歌月冷當熊人去獵雲空珠銷何處連痕赤金冊前年帶印紅料得帳中留半面漢皇長許夢魂通

六銖雙樹護長庚王母中宵冷玉笙壽聖幾能留國色死生方得見君情夢隨簫鳳無還羽歌到關雎有斷聲猶記葭飛雷擊日特為並輦祝瑤京

夢遊廬山

前集卷之三
衰脚中華再往難况當絕域路瀾漫他生緣結各山癖
長夜遊忘冰履寒索向崑頭僧面熟濡毫江上墨池寬
冷冷枕畔清音在猶帶松風漱石湍

感時

鐵甲爭鳴鐵鎖聲檻車一夜徧邊城春風淚濕將軍樹
野月魂銷鞞韜營自古弓藏誰帶礪只今盆覆幾簪纓
衰愚忘記來何事散髮狂歌感聖明

移窻前梨花

庭花似解君將徙曉露繁苞故意開宿土輕移兒子屋
馬醪依舊主人杯艷疑南國難名種香落東風不染苔
白
自
跡
同
草
木
聽
誰
撥
棄
聽
誰
栽

碁子

意在楸枰未落時纔分黑白已披離影移長日疎簾靜
聲合寒泉濺石遲爭識負中還具勝誰當雄處肯知雌
納奩以後何消息袖手蕭條倍可思

得周櫟園書二首

蠅頭小字語紛披更覺寒暄不及詩格老應憐年共長
才多似與數爭奇驚濤百折神皆萃漬雨重緘光陸離
自笑衰疲難遣此一尊酬和是何時

平江吳子

茲受

知同權河內張公

坦公

獨出關爲話艱

難生死狀渾如寤寐別離顏忍將血淚拋荒塞不負餘
生是舊山白社正寬黃犢健遙憐應接未曾閒

音韻 偶讀唐人白鷺詩戲而爲之

蓼花汀畔白蓮叢素翻晶瑩映碧空立處輕分秋水綠
飛來微點夕陽紅鶴行玉陛疑曾共鶴影瓊臺訝許同
肯羨九苞多絢米越裳貢羽色朦朧

晝長

長夏衰年無一事清陰寂寂掩柴廬移花偶騎細雨馬
刈圃親操斜照鋤幽獨自怡新得句摩挲隨眼舊藏書
燕雛翻長辭巢去客散還能伴起居

章鉞生子喜示

曾孫長汝且五歲汝敢公然命是孫累極所生幸男子
難餘誰更說家門山川氣稟遐方異弓冶傳惟舊物存

名字筮來鴻漸吉好憑刷羽向中原

買魚

漁人不識齋房意魴鯉頻從赤日攜自愧直鈎輪渭叟
猶將老吻累萊妻冰盤鱸憶秋風筋小艇絲收明月溪
莫怪何顛無定力侯鯖寧異甕頭螯

將別寧古書茅屋壁

莫言萬里無人境兀兀三年認作家甕牖光微閒畫字
菜畦土潤手栽花聽殘比屋嘶風馬數盡南雲落暮鴉
宋玉宅同王粲井長留名姓在天涯

灰杓國舊址

塊石居然成國土當年爭長亦雄哉椒花不醒君臣酒

相傳城以元荒草猶餘部曲哀未必輔車關大統也知
且酒醉而破氣數合寒灰腐儒踪跡還踰此王會圖中去復來

將至瀋陽四首

冰窖殘魂復見天此生疑是再生前殊思豈獨叨今日
薄罰還應感去年鵬鳥敢希宣室召羝羊空泣茂陵烟
相逢怕說浮踪苦只作乘槎星斗邊

四月營州青草城子以巳亥夏發瀋陽旗亭簇馬送長征同罹亦

痛孤臣遠素菴諸君子百感翻櫻老衲情剎公別子甚悲別後死生

音幾斷重來悲喜緒難鳴清宵自撚枯髯看披雪凌霜

莖復莖

平津架有讀殘書公子城南小結廬陳心簡悲極祇將歌

代哭交貧不礙步隨車經過一飯愁霖裏悵望三年落

日餘孺榻懸來應待老月明肯使雪窓虛

只道頑軀老玉關那堪跌印示千山剎公藏竊寢門難作桑

門哭塔影長隨峯影閒鄉國百年惟塞外鬚眉何日不

人間珠林曾讀傷心句知爾今朝快我還

懽喜嶺二首

懽喜嶺頭懽喜色恰逢詰旦是元正記曾立馬吟春柳

今見開關捲暮旌捫石知非前日夢命名益顯古人情

酒泉有北踪雖異白髮書生一樣明

曾將尺幅圖山水兒亨曾畫懽喜嶺歸圖以娛老眼每一披尋倍惘然

只道黃沙塵粉本誰知白首理歸鞵疾驅更上回頭處

暫佇還思落筆先此去家鄉丘壑滿全憑一嶺接江天
將至都門三首

但瞻鳳闕已魂飛况是孤臣絕塞歸黃髮玉環恩再續
立宮金盃夢長違遙憐趨走烟籠地自顧吞殘雪裊衣
莫羨春深堯壤近此生重飽北山薇

去國歸朝道路同迎人風異送人風三年夢醒黃梁客
萬里魂還皓首翁脚底自憐無險易人間誰更有窮通
舊居賣盡隣菴在一鉢聊應伴遠公

記曾貫械逐征塵掩面灰心別故人只道旗亭分永夜
誰知禁苑邁元春楚囚猶有重冠日遼鶴居然未化身
城郭久離疑路熟龍沙夜夜夢魂頻

寄陳二如二首

時以廷對入都
以予歸之兩日而至

陳子五十纔獻策短驢入都予已歸川陸齟齬僅隔夕
音書還往寧多違唾壺到此泯懽怨華表只今忘是非
衰軀猶存中國近咫尺誰言會面稀

學杜從來詩句好八章懷我當如何

二如書來云庚子
有懷予詩八章未

達深情歲月敢磨滅往事山川費揣摩繭足憐予行無
地吟髯知子撚未皤纍纍篋底還留字相見當尊須放

歌

津門五日

白頭羞對五絲新節物關心倍此辰三載往還何郡縣
千秋遭際幾君臣蘭歸故畷留餘蒂潮滿清江縱涸鱗

簫鼓莫思桃葉渡行吟已是再生身

答姚彥昭

故鄉情急似忘情書到生還眼倍驚杜老七歌常憶妹
鄰家幾葉見賢甥新詩宛轉高堂語良晤參差隔夕程
縱水不遙淮水接秋鴻計日盼南征

南池席上示蛟峰姪

官舍欣傳河朔杯蓮花似為竹林開只疑羣從吾廬會
却上古人前日臺飲啄政隨池水冷夢魂時帶塞風來
生平寢食夔州句藉跡捫碑亦快哉

刺于楊聖喻伯季招集因園

到門高樹墮雲涼園自先貽不厭荒靜儿人同圖史古

種梅手帶雪霜香廿年事往蒼江渡

甲申同鳧岫南渡

兩世情

深玄草堂却笑離鄉迷世眼叢蘭疑比月支芳

階蔣益蘭老眼

十年不見矣

答靳茶坡

老遇詩人老益親况經絕域再生身祇緣道里傳來苦
轉訝鬚眉別後新佳句披雲徵晚節衰蹤印雪仗芳隣
浣花溪裏羊求徑扶杖分題莫厭頻

仲姪別我歸桐二首

共榻連船凡一月廿年難得此宵晨已經同老憐猶子
况復稱詩獲解人驢背凍深長路雪梅花香冷獨吟身
不因歲逼寧容別莫負前期江水春

縱陽曾有少陵句昨日同仇口尚傳姪辛卯冬有縱陽大雪三更後記得

燒柴說少陵之句蓋懷子也海陵遇田雪龕尚誦之尊酒此回論更細老年相信

骨應堅揣摩千古人在閱歷諸緣詩最賢知爾還家

貧自得狂吟好續四松篇姪齋中有松適四株因以四松名

寄長兒孝標

阿旃江上幾時來標次阿旃毘陵應暫回標三少子詩

中斟柏酒老僧定後散花臺鏡帆堂頭畫山人過時評帖程稷

倩賣藥翁閒共訪梅張伯頰淮水已同邗水綠春深漁艇

恣沿洄

春寒

脫裘纔覺早春寒手撥爐灰香未殘韝上鳥音如致訊

研頭花色竟堪餐健忘書只供遮眼坐倦行惟繞藥欄

幾日雨晴容易度新流應上隔籬灘

作敬亭友人書二首

海內故交半零落傷心更是敬亭山嵇康遺息摧殘後

張儉餘魂生死間禍患豈關文字孽風塵難記別離顏

題書雲鳥應相訊望七衰翁萬里還

同降丙申惟老友徐接三與予同庚睽違動復十年餘不知筋

力誰衰健長就眠餐憶起居江上口傳消息亂貧來路

遠信音疎遙憐書到生驚喜白髮還如竹馬初

上巳日外甥姚彥昭自桐入都道過淮上同步止

園

爲到園林知上巳
恰逢猶子渡江來
相攜且盡東家勝
回問何如故里臺
荏苒三春花底眼
被除千載水邊杯
鶯聲似解遊人意
未許明朝別艇催

繡山弟自白門見過

南風吹送惠連船
悲喜回頭別十年
前日傳書來白下
幾時知我到江邊
鬢毛顧爾逾增老
蹤跡違心怕問天
話久連床翻錯亂
但言重會是奇緣

蕃釐觀

尚存瓊花臺

蕃釐觀創在隋前
誰遣瓊花大業傳
自是君王耽國色
遂教草木竊神仙
玉鈎夜泣雷塘月
金蕊香消閬苑天
何似舜陵松柏茂
菁蔥霜雪尚年年

兒育之青州簡周櫟園二首

龍荒三載數遺書
千里雲門轉渺如
自是萬端縈吏事
遂令兩地悵興居
曾將短句風人手
黃心甫妄與新題退
食餘兒子褰裳今
見面老懷無用說
當初

傳聞宿土酬吾師

日照先師荷遣奠

白髮門生感益悲
隔世根

繩還累子同岑
甘苦欲憑誰
萍蓬歲月塵中換
桃葉蘄
茅夢裏期種種
牽腸難舉似老夫
畢竟重論詩

落梅

梅花半落不勝落
細雨當檐色尚繁
童嬾徑留苔欲積
鳥銜枝動蒂還存
柳絲綠處縈殘影
石罅沾來帶濕痕
細數開時看到謝
冬春不負化工恩

寄陳二如

陳髯應不憎新法貧死何如低折腰嘗怪鼓車難駕驥
果然鳳羽不棲條授書錢供高堂老按部人寬野谷樵
聞說鳩江虛絳帳且將奇字慰飄搖

兒孫輩齊作字

諸孫擁乞仲兒書阿季臨池鈎畫如繞膝魯魚無小大
喧聲詩史徹庭除几攤敝席爭謀筆筋飽空盤更益蔬
共笑腐儒貧且老將雛嗜古樂蘧蘧

廣陵城懷古

孫輩及研齋皆有作

廣陵今古此危城豈獨隋家興廢明晉宋疆懸南北鼎
梁唐角犄漢番兵只今烽火悲凋瘵條爾笙歌答太平

衰眼懶拋憑弔淚忘情直似不關情

吳楚人自海甸來

海風吹客客顏秋詩瘦那堪更倚樓木葉到霜天地肅
菊花遇雨戶庭幽懸知靜夜無他思莫說騷人只善愁
屋裏登高高亦勝茱萸似為白頭留

寄五兒章鉞長安二首

天涯又歷一年春遠緒千端挂老親嗟季望徒憐雨雪
在公勤可報昏晨波遙邗水梅難寄水泮西山柳亦新
聞闖從來陽德近條風應許拂勞薪
書來滿紙客平安不道為山一簣難詞到飾時心倍苦
行當半道膽翻寒鴿原竭力應輸急鶴髮加餐強作懽

歲月回頭堪慰藉春光莫向別離歎
春歸日雨寒不散無山色黃
送春風雨解留春花柳成功色尚勻綠
蔭紆條纒蔽日露華拂檻未經旬閒看
羲馭如流水老戀東皇似故人別亦有
情來有信曉鐘聲裏漫逡巡

事事

事事都從病起懽小齋十月尚輕寒
瓦盆手煮山菘白枯幹眼看金橘丹
試筆書經不計字焚香驗火亦多端
霜天晏醒晝還卧日送蘭花過藥闌

雨後雪

凝陰十日錯昏明雪補愁霖屋有聲
山鳥不來梅樹凍蘭花初放篆烟清
老妻話舊如前世稚子能詩驚後生
莫怪空街淹屐齒潛夫晴亦寡逢迎

途中卽事三首

冰凌萬壑昏霧隱層巒曙風日自生
寒暖在還鄉處谿斷虎留跡山危雪
作梯勿嫌雲嶺峻家在萬峰西星垂
幕火燦月入井冰圓曉卜霜華重眠
知雪印乾

張毛道中二首

凍渡埋槎古縷烟落日荒鳥巢晴
墮雪馬鐙晚銜霜日篩樹散花溪合
雪成石記得雨中來征衫疑舊濕

多洪道中

壑底後騎迷木末前車見日午不聞
鷄烟生卽鄉縣

雨湖二首

夏鎮以下

積潦壓平橋市小人稀渡一艇挂輕蓑直入烟生處
巨浸欲浸天移船向屋裏網罟有豐年稻花結魚子

靜泊二首

燕濕偶一飛魚深時復躍誤認夕陽明漁燈傍溪爍
木樨無定聲靜起蒲團色鸚鵡認作詩揉音學平仄

野泊四首

高岸奔流急茅簷接浪層門維沽酒艇兒守捕魚罾
遠堞如輕帆御風見還滅爭飛鷗力窮墮水紛爲雪
策驢上漁舠百里川光練目際眩明霞意中說鄉縣
細篠棲鳥鬼深蘆卧白跳星芒垂大野月影失危橋

入閘二首

韓莊以下

羣力恃孤椿驚濤挽船褪古今捷徑爭亦有時求鈍
舟駛如鳥飛回頭失邨落當磯立釣翁移時不動脚

秋階二首

黃葉如黃鸝隱露枝頭綠籠鳥忽流聲秋階恍春谷
梅葉先衆凋知爲花時地似有微苞生枯榦含香意

雪望二首

隔江山巋然雪映山逾遠金焦祇意中白鷗去復返
古今梅花多豈獨揚州早何遜亦何人能令東閣好

湖中卽事四首

鳥浴半陰天魚游落花水詩成爐色中磬入經聲裏

老去無非病閒來轉自如山妻燒藥罷對坐簡方書
教孫摹漢印形貌爭是似爲問義頡前乾坤可有字
摘花入膽瓶野色盈几研居然苧蘿村迥出昭陽殿

卽事二首

瓶花落研香暗與蓮花注持墨不輕研燕液花心露

梅謝成繁陰轉勝開時好歷歷黃鸝聲乃出枝頭鳥

中元步虛詞八首

坦公德惟漢槎琢之及兒亨結壇頌三官經五百卷日以利冥

絳節丹書散沈寥步虛聲徹五雲霄遙知滄海龍銜處
精衛填成白玉橋

幽遐路不隔天闈闐闐開時無覆盆玉版須來銀字榜
頭行先寫汨羅魂

皓月天壇鶴羽鮮王喬玄馭自青田琪花香裏金風度

恰是新秋第一圓

適以是日立秋

赤金茵苜玉麒麟沆瀣長敷四季春莫怪靈章多秘教
上真今日是文人

遐荒亘古不聞經金字琅玕照火青玉女收來譜牒異
玄都新攝幕南庭

莫問沙場事若何荒塵枯骨逐頽波煩冤此輩猶明白
不及無端刀筆多

函關消息問菩提清磬聲迴地軸移東度西來無二義
月明江海共琉璃

地下同文有重輕人間湛露共生成但教臣罪容三宥

萬古天王都聖明

京口竹枝詞二首

短艇無波也自遲
橫風急槩過灘時
不知冷笑緣何事
郎試搖時郎自知
鄰舫無心似約同
水程有準不須風
船頭男子遙相對
船尾喁喁細語中

惠山竹枝詞三首

金谷平原名舊傳
荒池殘榭尚嫣然
當門笑捉遊人語
郎要看花儂要錢
雙鬟灼灼彩簾邊
知是威儀不敢前
唐突貨兒偏自若
昨朝賒得小花鈿

青帘斜映玉搔頭
笑指明璫作酒籌
酒品尋常無甚別
躊躇為揀最高樓

看花卽事二首

幾日看花愁烈日
雷聲時送薄陰寒
過招吳老調御辭
多病只此閒情伴
亦難

黃門

陳京尹

曾許嘉茄種
瞥見惟詢雨後蕃
怪底殷勤

冠蓋語瓜蔬
以外欲何言

漁家曲四首

南陽湖所見

結伴連船趁晚風
幾家老幼浪花中
情知婚嫁不離水
小婦呼郎隨阿翁
不事耕桑不受屨
無乾無溢比平川
滿州昨日拏船急

一葉端然斷岸邊

風鬟綽約縮雙纏出眾爭言最少年貪看鴛鴦擲蓮子

不知冷眼落隣船

鬢髻學試手層強爭攫魴魚二寸長襁褓呱呱扶槩泣

白頭姑喚竈前娘

戲為三絕句

于皇屬拈

玉蟻梅

從來香色亂花梢幽格孤撐絕眾叟似惱滕王春筆艷
特將粉翅裹霜苞

紅梅

羅浮絕代玉為姿不向朱顏乞露滋生怕六宮嫌冷淡

舊家姊妹借胭脂

綠萼梅

明珠顆顆綴還疑香入寒烟月上遲子未結時先似豆
黃鸝誤認柳深枝

漫興

枕上寒知霜落早未明先問屋高低曦光不用黃金買
東出團團看到西

病冷最嫌生炭貴硬枝猶帶出山烟鷓鴣紋別居奇貨
添却門前賣字錢

蘇軾詩

蘇軾詩

蘇軾詩

蘇軾詩

曼興

蘇軾詩

蘇軾詩

蘇軾詩

蘇軾詩

龍眠風雅卷二十三目錄

水厓潘

江蜀藻輯

吳門章

詔鶴書

叅

同里陳

光季白

方大普

十八首

方若洙

四十五首

夏承春

九十七首

龍眠風雅卷二十三

木厓潘 江蜀藻輯

方若洙

字無聖一字劬生號蓮江崇禎間歲貢年十四卽補弟子員博究群籍研工詞翰王父明善先生深器重之性端重簡遠不屑治家人生產手定古今文數千卷鈎玄纂要丹黃盈篋所與交怡園諸友皆一時之表領也晚年因寇逼危城嬰陣固守著軍城歌一卷論者有詩史之目俄以明經公車卒于道門人謚貞隱先生所著有閩津江瑟諸草

潞河鈍涉

百丈兩岸牽百瀨一線通川途從此始問程何時窮宦遊不得意有時亦書空僮僕雖則親數口寄隨同登仙杳無分榜人難爲功跳波若運弩褰裳復轉蓬篙柁爭石尤海光瞳矇中暮艤渡頭歇曉仍平沙叢躑躅坐復

起日月去且忽辛苦多如此誰訴馮夷宮不問濡軌盈
不問蒲帆風倦極還無賴悠悠數征鴻

懷杜少陵東屯

人重少陵情代傳詩史名篇章接混沌意匠入經營屈
注歸雄渾波瀾動老成狂無可告訴吟乃得平生錦白
曲江濯濤隨灩澦驚幽居先萬里癖性老孤城故宅烟
還斷荒坵樹更鳴依稀臨草閣彷彿到柴荆服習風流
切景行意氣橫千秋嘆驥老三峽助猿聲親炙光堪挹
寤歌神已并舊基遺像在江上有餘清

怨婦詞

君如北楊柳嫋嫋春風邊妾如北轆轤用汲容瓶泉春
風搖歷亂曉烟籠嬋娟瓶泉床上轉常自絡緯懸秋節
起涼颼青條可長妍井邊楊柳枝相附沃相濺新人承
新寵寵極還棄捐舊人戀舊恩意氣相周旋妾命百種
薄君情別有緣妾心百種癡君情良徒然床頭五絃琴
心心絃可憐新絃辭故琴故琴抱故絃欲撥不可尋回
軫終眼前

江上新秋偶然作

蓼花紅且萎蘆葦長且溜金風火西馳一葉嘆何深大
江翻瀾駛寂聽空水音前峰明滅起惟見雲滿林圓月
上潮光涼颼吹盈襟春雁將南翔羈魂寄至今感物傷
秋姿二毛難重禁蹉跎忽搔首起坐鳴素琴翩翩歌古

調諒非時所任滄江半夜龍應爲我沉吟商絃轉成哀
波聲激陰森四隣知者稀歸臥高山岑
望連雲棧諸山

偃蹇連秦山終日翳眼底截業乍孤斷崖口倏焉止濯
足明渚沙石髮散清泚細瀨淺水容淨流殊未駛蒼茫
豁達中群峰逼天起舉頭問榜人遙指雲棧是褒斜子
午谷百道自茲始所歷乃覺遠舟楫何時弭終慚鄭子
真棲隱邈難企

將歸入綿州

捨舟已趨陸就陸復登舟憩宴纔幾時卽權長江流親
知相追送祖席寶刀酬五月溯漢濱十月下綿州蕩沸

踰風波奄忽歲已邁冬心抱寂寥遠雁雨雪稠薄日澹
影沒寒渚微烟收縱爾迅歸楫問程轉生愁况逢凌峽
險將戒垂堂憂朔風淒以厲銜訢哀江頭蒼蒼徒極目
吾安罷所投

西陵峽

青天玉芙蓉片片皆可拾滅沒倒景中發耀不能及萇
弘碧千年到此亦應戢下有江流聲杜宇啼猶澁天開
大江出峽束隘江入獨茲傾危交孤舟瞿然立履危如
履平我覺忠信習險夷視利涉悔吝惟所汲大江多魚
龍到此勿復集人生固有常胡爲自悒悒

咏懷三首

鶯斯笑鵑鵬驚鶚啄鸞驚千載志不平焉得不啼血我
聞蜀子規寄生魂獨結滿眼骨肉親羈孤一身別他鄉
託夢魂春心向誰說聲聲不得訴此血何時熱古有傷
心人于此聽不徹悱惻與心違劔首試一吽
春夏草木榮先鳴死鴉鳩秋冬慘風霜孤根露窮節卓
然高枝下泉流自寒冽山境絕踪跡猿身悲親切蕭蕭
懷抱間老人如水雪紛馳夸毗子何爲事磬折峻險非
所顧終須迴故轍俛仰經歲寒子子成嗚咽幽林歸臥
來達士安卑劣

仗劔獨出門孤雲常相見雙江萬里流日夜白一片漢
濁漉水泥巴清澄正練有時百丈牽不然迅竹箭幽怪
語窟穴滉漾目自眴千峰逋客留朝夕暝色變攬結拾
海月可以爲餽饌衾枕卽烟霞星漢在鄉縣垂綸靜者
心漁父無所羨我有山水心遐矚庶不倦

北岸吟

北岸長柳浪青以齊北岸澗麥秀黃以萸北岸高泥塗
千家屋上茅北岸低纜牽百丈瀨上谿大髻兒女少顏
色短衣歌曲無音節上弦插羽夜隄防打鼓吹簫水幽
咽行吟澤畔有孤臣况逢支離飄泊風塵客夢想舊山
歸去來半酣坐待波上月

題馬道院九枝柏

劔江之陰盤渦曲老魚潛潭瘦蛟窟濺沫奔流異響來

山腰迴合藏石隈中有古柏蒼虬龍九條鐵幹枝撐空
下成澗道俱歷落明皇駐蹕馬不發土僧傳語碑字間
遺基古寺蒼苔沒竒木壽亘茲代聞抗壑昂霄參入雲
世廟訪使殿材闕構之從此凋顏色惟餘雙樹作龍鱗
森森竒鬼欲搏人一株空腹直至頂柯葉孤蠹無冬春
一株石裂拔根起九微蘭燈藥珠似吹香迴風遍女蘿
枯枝半峙百卉死石泉淙淙流清澗危橋敵側老桂枝
我遊坐臥當其下窮山寂寞遇賞時柏梁歌罷續招隱
青霞覆合丹霞滋乃知凡木不敢窺常傍灘聲龍吼無
窮期

和潛夫弟舊嘉州歌

扇頭贈我當蒯緱主人曾失在嘉州仗劍不辭萬里去
烟霞滿袖訪古遊一笑燈前重回首巫峽劍閣常在口
峰峰指點竒絕處弟勸兄酬齊拍手吊古同傷白帝秋
供奉拾遺稱風流爾我後先成快事令人搥碎蒼雀樓
浩歌長嘯復何有遙接三巴雲外酒爲問司馬意何如
江海易名一釣叟

午日泛潞河同潛夫弟時弟初罷官

舟滯潞河陰蒲觴聊共尋絃聲撥水面燈影映波心喧
客看爭渡解官成獨吟乘流隨去住不必弔冤深

晚舟對峴山

晚星江上出峴首獨踟躕遺蹟人多感古情山豈殊苔

前集卷之三
紋片石沒秋色一亭孤尚想羊公事還存勝槩無

秦川雜詩三首

舟子還相報水程兀幾千雲中時露巘山外不盈天井
邑人烟少荆榛猿鳥懸登臨縱有興失路豈能堅
一夜沈沈雨秋天半浸川水痕侵樹杪屋瓦出檣邊草
濕寒烟起沙虛亂溜穿濁醪不自遣相對亦徒然
滿目愁烟閉天涯轉自迷樹橫千嶺直山壓一舟低秋
葉將成撼晨鷄不肯啼船窓聊縱望片片欲雲西

蜀江冬夜對月有懷

漢江雨未已巴水月多明滴破獨何意照來如有情未
臨初霰色乍見冷松聲愁對還成寢相思竟夕盈

蜀江雜咏三首

人家半翠微烟樹藹依依竹覆女羅帶苔侵薜荔衣石
龕古佛出山寺野僧歸偏是黃昏候鐘聲搖落暉
蜀江多出霧一霧幾朝晴有月迴巒淨無風去鷁輕還
看松蓋偃復見石臺平獨喜依人樹枯枝冬亦榮
巨石排高岸玲瓏得一臺琉璃積水挂珠蘂帶潮來駛
溜當其下雲波相委回幽人如譜此片片手中杯

北舟對酒

五月南風水曲吹歸舟此日去遲遲洗晴雨氣來偏驟
入夏雲峰看屢竒長路關心千里外踈燈共話十年時
却憐潦倒羈孤意拄笏支頤有所思

夏日舟中贈潛夫弟

遙遙南國阻行舟消息平安解客憂
司馬由他傳北檄農人告我及西疇
水涯窮處將辭夏丘壑看時恰對秋
却想此時清興發不妨遊子坐中流

謁諸葛丞相祠

遨遊漢沔瞻遺像肅肅祠堂一獨尋
司馬虛推名士壘定軍留得使君心
出師不動綸巾色顧命真成梁父吟
因誦少陵題咏句滿懷慨慷未能禁

入蜀喜逢胡康生

天涯無復怨離群帆影參差若待君
共說家書猶寄語更憐客路豈愁分
同舟擬宿關前月並馬期驅劍外雲

官署寧親知色喜殷勤爲報故人聞

寓寧羗州山口又逢重九

萬重山裏坐秋身節物驚心重九新
弱泥滑滑纒彌節脫葉紛紛正落巾
却接故知初熟面還成幽獨轉傷神
村醪野店醉來晚不及菊花籬下人

經上亭驛次羅隱韻

見說明皇蹕上亭霓裳翻作雨淋鈴
玉環睡起猶圖畫金鈿橫分忍淚零
紅荔春風千騎笑青梧秋夜一聲聽
傷心莫是啼鵲血古驛流成點點螢

冬晴入射洪縣

蜀江初渡冬枯水一片輕灘下不窮
曖曖遠村浮薄霧

鱗鱗細浪照晴空鳧群出没平汀外樹影參差淺岸中
落日孤篷殊未極偏憐風物與鄉同

喜入夔府醉後却賦

澄泓山水復崔嵬將盡川原首重回地控巴流三峽下
天分楚色九江來黃堆橘柚盈村市白剝蹲鴟入火灰
醉取少陵題咏遍遙看皚雪下瑤臺

采蓮曲

荷花欲語歡許妾面相似妾意驕荷花含情照池水

雨中舟入郢諸山

灘與雨相亂喧聲動枕席曉來問榜人水高漲幾尺

擬子夜四時歌嘲舟妓

紅裙船上住非是欲凌波倚檝江頭望瞿唐賈客多
青雀當青樓年年水上浮儂如江上水滔滔向東流
船尾可烹茶岸頭可貰酒歡心若肯留許却莫搖手
儂西亦有船儂東亦有船歡心何太劇只在儂船邊
昨夜江上潮曉起衣裳濕拋鏡慵自照斂眉凭檣立
江水作鏡面分明照不得風波易憔悴只說好顏色
舟人催解纜歡心不自由含情唱巴曲重維一日舟
相逢胡太忽相別胡太早歡似江上雲儂似江上草
歡看三巴水常自舵中轉儂心願如此與歡當相見

紀遊集古六言

瞿唐灩澦古諺夔府荊州勝遊行雨行雲巫峽三朝三

暮黃牛

黃陵碑側禹廟白帝城邊武侯舟過江陵一日猿啼巫峽千秋

滄州

莎草蛙鳴暑月清長楊蟬噪暮風輕雙燈夜照孤帆影津鼓聲殘點點更

秦蜀竹枝詞

船頭船尾任高低欸乃聲聲各不齊削竹一條聽打鼓急聲灘上緩聲蹊

方大普

字君周號中渡幼夙惠授書輒解嘗竊曾大父篋中史記匿別室讀之家適災急索不得逮火滅覓之則讀史晏然不驚也崇禎庚午舉于鄉五上公車不第晚授建寧令廉潔慈愛恤事精

勤邑故多火民緣為利公屬簿尉官遇發命邏卒守衢隘悉捕奪之還其人居官僅二稔掛冠歸隱梅花館詩酒自放所著有歸田錄指南諸稿門人私謚文節先生公性脫落詩文輒隨手散去其孫遷菟之傲麓中及嘗所授記憶者若干首

清明同倪君符姚戊生彰義門曉發次戊生韻

帝城春色好淑氣滿城邊獨有羈愁客歸逢禁火天雁鴻來往路詩酒友朋緣並轡逢佳節風塵莫黯然

兩度長安道龍顏在日邊上書憐下第短劍倚長天燕市留無分鷄窓夢有緣與君歸去疾膏火尚依然

暮秋看月有懷素心大姪

秋和夜暖樹初醺望滿清輝念逸群未擬大兒真是我忽思小阮有如君素心久已邀三益青眼何曾盼五雲

遙憶踈狂當此際楞嚴月下與誰分

歲正二日喜大兄舉孫

屠蘇飲罷冢孫生五十纔看三世人月朔幸逢正甲子
年餘猶是臘庚申太丘膝上居然著荀令門前次第新
遙想鬱葱佳氣夜知兄把酒不辭醇

途中苦風

倦馬長途行路難况當明發涉間關地分瀛海滹沱界
風入燕南趙北間听柳驟鳴徒聒耳村醪屢熟不酡顏
鵬程須借扶搖力置我春明玉筍班

水中雁字次舅氏吳客卿太史韻十首

秋空振羽破蒼苔片片輕雲兩听開海外霞標同應接
江邊虹影共徘徊關心繪繳憑人設得意文章祇自裁
漫道波紋時隱沒須知一畫水中來

瀚海歸來拾字竒連篇累牘類張芝形荇帶如臨草
影透鮫宮似勒碑每到霜晨憐羽翼更逢月夜整容儀
就中欲宿驚還起寫盡離騷天不知

高騫猶未附青雲鎮日江干校典墳但把雄詞驅萬鱷
也如健筆掃千軍縱橫還傍波紋轉肥瘦聊因水勢分
料有馮夷供飲啄臨流豈作送窮文

數聲嘹唳影沉沉汾水相逢好論心似我十年工八法
何人一字抵千金冰函浪笈供誰賞春蚓秋蛇祇自臨
秃盡中山顛未已齊紈髮漬愈難禁

前集卷之三
長鳴曉渡玉門關恰趁金梧葉落還傳得江南霜信早
帶來塞北素書閉墨濡歷市千年氣筆倚蓮花九子山
興到如椽頻點染蘆花萬里盡朱殷

學得王顏體勢新換鵝乞米莫愁貧翎編羽貫皆成帖
露布雲封不離人周史篆時文異古秦皇火後字無真
漁家款乃初驚夢急就章成若有神

波紋清徹數行斜自許臨池別一家萬斛珠泉奔渴驥
千叢菱芡走驚蛇乍疑韓氏溝中葉轉覺江郎夢裡花
莫訝遺文天外散才人自古在長沙

海門秋夜月清虛陣陣奇文映碧渠蝌蚪篆形應未似
鵝池筆法較何如千行莫比紛紛檄一字猶勝咄咄書

但識天南人尚在鸞箋不必付雙魚

春深斂翼自南歸涼氣乘秋漸北飛旋轉或辭蘇蕙巧
頡頏肯令右軍肥千封墨勅何須紙三易麟編不用韋
若使聲聞同皓鶴紀官未許列霏微

禹穴幽探載九疇江臯題徧幾春秋魚吞墨氣松烟集
月照銀波玉筋流不羨鷓班尋次第還從鷗侶共沉浮
著書終日緣何事好待鷄林倍價求

七十初度從子且易以詩見貽次韻答之

松梅格韻鶴精神敢曰今人非昔人赤管媿無臺史筆
白頭羞過孝廉春主計武陵家漸薄握符濰水老還貧
幸有封胡與遏末嘯歌不厭往來頻

再用韻自嘲

臣生正月甲子朔辱在泥塗已七旬竹韻夜敲清鶴夢
松濤晨起奮龍鱗常翻貝葉開心眼時進香醪送老貧
麋鹿為群雲作侶飄然世外一山人

重九喜晴

一秋何事雨侵尋喜報朝暎恰向晨重九難逢晴戊子
七旬不必守庚申支離病骨蠶眠後脫落丰神蝶夢頻
更笑秃頭無帽落杖藜野望任吾真

夏承春

字廣生存廉惺寰公之仲子也弱冠文譽蔚起與弟統春偕春俱有聲學序季廉公故遺清白而公昆季風流儒雅輕財好客有秦川公子之風賓從棋酒之盛歡劇彌日晚乃落拓出遊有所獲輒緣手而盡性喜蓄書尤精于鑿古凡法書名畫以及彝敦器物之款識皆能辨其真贋不為

苟同司寇姚龍懷公羈貫時一見即目為棟梁器以其子妻之其博雅能知人如此所著有聯髮集數十卷

從縱川歸里門

輟權縱水湄直趨里門道亂後無居人阡陌蒙荒草避
難難方殷言歸故山好故山暫小康幸脫鯨波早望中
廬舍空孤城寒日杲褰裳過舊墟拉淚訊遺老殷勤為
致辭歲時好相保

不寐

閣夜閉窓眠殘燭光猶耿天寒虫已蟄四壁虛且靜敲
枕苦不寐鄉遙宵更永側耳曙雞啼簷日逗線影風吹
木聲枯霜覆山殿冷歲晏孰華予浪跡如漂梗賴有鐘

梵音可以發深省

餘姚河水捨舟登陸

羈人昧節候留滯海東島歲晏無知音薄俗賤衰老悵
然理歸楫束裝苦不早垂野多陰雲彌望但荒草水國
值霜宵堅冰結殘潦舟停不得前去任縈懷抱大力難
負趨長年面如槁洹寒陽氣微旭日空杲杲凝結帶洲
嶼晶瑩涵荇藻待冲屬何時登陸就前道自勉勉僕夫
岐路煩探討

姚若侯新買山莊奉尊人併伯仲往游余與張仲
友亦與詩限洞字

同心得向禽忘年交伯仲山水挈我游登臨浣塵夢淪
泉沛寒流披榛搜古洞霜鳥聲啁嘈竹風影搖動村翁
解祝雞狂客喜歌鳳買山豈畏嘲招隱可托諷磐石坐
多時瑤琴思一弄日暮酒莫沽且盡携來甕

歸汎彭蠡舟中望匡廬

夙昔慕匡廬挺秀甲區宇背江面湖山澤氣吞吐轟
影薄霄漢措趾卑培塿翠律峰連綿傾欹石支拄緬想
康樂鞅更憶遠公塵法會集群英玄風暢千古一抹黛
色濃青生夜來雨衰年雖力疲餘興猶堪賈死葬骨也
清三復昔人語

同江向若戴東先吳湯日赴姚戊生瑞隱窩之招
分得樹字

積雨霽山城簷日忽已露忻赴山澤招藍輿不待具殘
葩耀陽林纖草侵樵路主人候荆扉慰客停芒屨高軒
映朝暎前峰開宿霧緩步聽潺湲披襟抒情慄林鬧
花蜂溪閒窺魚鷺漉酒憶陶潛投簪美疏傳旣秉嘉遯
心無復當時務倦鳥歸遙墟流雲胥高樹觴咏最怡人
淹留不覺暮

悼亡二首

及笄登我堂便爲姑舅恤賦性能宛柔束身常栗栗
勉五十年萬有八千日數歷寒暄多寧怨居諸疾夙締
緣有期訣絕在倉卒見雖達鼓盆情實慘僵瑟霜葉隕
梧桐秋聲動蟋蟀腹悲惟自知含悽向誰述可望不可

親安得少君術

曉起拂靈床黯黯流塵積淒風吹總帷陰壁寒螿泣宵
燈焰尚存露下庭蕪濕日月忽不淹修途追莫及觸目
隨所之宛宛多舊跡乖別當暮年哀至淚反澁更無同
心人與我性相習彷彿想音容倚杖時獨立落日下簾
櫳空堂愁復入

冬日過若侯山齋同其尊人戊生諸郎魯齋敬齋

夜坐深談明日齡若始至復有寶山之遊二首

畫家評冬山黯淡形如臥我來自城郭淒淒谷風大高
林葉已稀寒巢影欲墮撫景何蕭條游情愈無那徑轉
見精廬雲烟生几座少長欣已集珠玉生咳唾淳之與

敬弘物外交情播日暮閉軒窓待燭擁爐坐盤飧薦竹
厨蔬酒熟山稷欵欵話中宵天明又唱和
隔嶺有蘭若凌晨同一過墜葉聲浙瀝霜氣滿山阿透
迤沿溪路路盡石嵯峨飛泉界蒼壁冷冷如鳴珂陟巘
窮其源雙檜遙婆娑老僧解憐客圍蔬挑霜科爲我壺
觴佐不覺癯顏醜歸途喜幽峻援葛更攀蘿濟勝具猶
健少憩見庭柯驅寒更命酒遑問夜如何

亾室再週

日月逝不停歲運復再週含淚褰素帷黯黯烟煤浮果
蔬薦時物魂兮歸來否撫几發一慟中心怒如抽有生
苦未足殘軀爲我留追念平生懽恍惚如夢游前期雖
有待觸日多煩憂但願借長夜逍遙松柏丘

重九雨中集姚翼侯齋頭得志字

山城夜風雨敵枕杳難寐曉起樹披離黃葉紛委地中
心悵有違阻我登高意華軒幸見招盆菊頗明媚雖未
傍芳叢亦自有幽致日暮簾旌搖蕭蕭來朔吹初寒易
中人曲室聊可避爐熾獸炭紅杯浮竹葉翠夜深秉燭
遊寧與清暉異一觴一咏問老人多壯志

壬寅元旦有述

昨宵歲云除茲歲又首日昧爽攬寒裘耿耿銀燭燦起
視星在天畢昴何凌亂四序自推遷萬類任合散人無
九仙骨安能保恒幹余年今七十祇見流光換挈爾子

與孫出郭一臨翫新累猶未嬰身輕如離絆路轉杖不
顛風故憤仍岸興盡返吾廬庖人方舉案樽內湛椒漿
爐中然獸炭醉咏南華篇語語非漉漫

九日與仲寬弟及諸子孫輩登西山

西山在疇昔比屋環山聚舍北一徑通每風景必赴吹
管復彈絲曲悞周郎顧寒食與重九不肯令虛度爲樂
正及時戎馬東西驚塵市民居空彌望榛莽獲嗟嗟陵
谷遷人匪金石固搶攘十餘年天運方回步茲逢落帽
晨還尋載酒路雲烟不改色城郭亦如故兄弟兩人存
子孫四代具衰宗賴有此觥籌莫教任黃花發廢墟紅
葉翻高樹更喜日晴和從朝又至暮

初寒

四運何密移殘歲又相逼蕭蕭風異響黯黯雲一色微
霰下踈柯棲禽亦斂翼荒居畏飄搖縈慮無寧刻爐炭
燼爲灰簷日曝欲曷天道揔悠悠人事亦默默欲就仁
祖餉慚乞淵明食老大空復悲年少不努力

秋霽同李未盡當衡家弟仲寬過無作上人

遙墟散積陰霜空何明迥出郭紆幽踪展喜至友並白
雲帶峰腰丹霞冠楓頂巖阿有頭陀茅堂屬新肯朝誦
簷暎遲夜禪龕燈炳對之肅心形立言資苦茗日暮渡
溪橋歸路烟未冥

借李當衡訪山刹因留宿卽事

音耶風雅卷二十三
信宿欵柴門踐罷雞黍約王客與猶賒前峰共探索丹
葩覆溪流綠葉鬱林薄風度笠影敲磴轉筇力弱危巒
拔地起勢可並廬霍迤從一徑通三面形如削屢休方
得躋老僧見喜躍午鐘聲未殘清齋絕藜藿少憩陟高
層四眺天宇濶衆山如培嶁嵯峨失所著地際露湖光
烟中辨墟落巖深日易沉可以理歸屨同來三五人留
者我與若逍遙石巖畔乳泉當一勺踟躕暝色昏竹扉
早已縛緇叟寬僧律共客有杯酌環論返齊諧微醺勝
魯柏樹迴無棲禽籬踈見陰爨中宵千仞嶺一榻忻有
託耳聆磬梵音夢洗塵土惡曉日忽瞳瞳寒霧尚漠漠
安能久作緣悵然返城郭

漉糟行

律窮晷短逼殘年東雲驅雪飛翩翩欲覓酒嘗無一錢
何以遣此寒宵天適有餽我糟且鮮不覺對之口流涎
呼童搏取握且堅指縫流出何涓涓須臾盈缶色混然
誰論清聖與濁賢煨向鑪頭松火煎陶然一醉穩余眠
喜吳莘卿彥先昆仲携網得魚

已有臨淵羨何期載網過舉觴忻有佐彈鋏可無歌宿
霧收山寺涼風起薜蘿好朋殊可戀况復在巖阿

雨後厭蛙

蛙聲喧雨夜曾未片時休聊作公私判難堪鼓吹幽不
離三步外直達五更頭明發呼童子敲針作釣鈎

對月

霽月圓當戶人生能幾逢一廬居是儻孤魄照偏容林
繞風枝鵲叢吟露草虫雖無酒堪酌靜對托微悰

煮雪

驟雪忽盈墀於貧况味宜握來輕有質煨後漸無漸候
沸投仙茗隨香淪古瓷玉川三啜後習習腋風吹

新燕來

江燕何微渺能諳節候交一從余卜宅兩見爾營巢簷
敞雙飛入梁空對語啁物情深可戀門掩畏人敲

苦雨

春晚雨綿綿寒裘著欲穿絲常縈樹杪雷不斷簷前巷

僻無人跡囊空負酒錢悄然無一事趺坐疊青氊

乘潮至慈谿

晚泊舸依沙篷窻月影斜櫂幾窮水國鴻不到天涯半
夜聞潮起長年解纜譁乘流飄忽去已見曙城鴉

喜逢潘若菴勸其歸里

逆旅相逢夜風寒城漏微自言五斗累不遣一身歸細
酌忘憂酒兼商出世薇盍隨予返櫂同掩故園扉

同李未盡當衡尋河東諸新建蘭若

出郭沿溪路僧寮隱竹籬雲昏防雨驟筇弱怯橋危久
沒荒榛闢方新梵宇垂冷冷鐘磬接何惜路透迤

漱石亭同諸友聽李葵陽說楞嚴二首

前集卷之三
竹塲已幽絕於談法更宜溪雲度雨去茶鼎傍泉支不
復嚴僧律堪舒入社眉縱言難了悟殊勝未聽時
士謙推往哲君克紹前徽博識通無際微言會有歸澗
聲喧講席竹氣薄絺衣聽罷還山郭孤亭澹夕暉

游披雪洞

並展衝蒼靄游情一往深日摩高岫頂酒置半巖陰流
峙閱終古登臨遞至今石鐫荒蘚合讀罷恣長吟

抵饒州寓永福寺

僧寮榻許借暫可憩身心帆影過城堞塔端巢水禽鄉
程春樹斷旅夢曉鐘侵不悟無生理塵緣空復深

看歸雁

嘹唳春初雁歸聲不可聞群離南浦雪行逆北風雲路
向胡天闊情於澤國殷倚簷聊送目那禁思紛紛

過姚戊生山館看桃花

陟巘見茅屋主人倚杖斜舉蘿掃石几留客看桃花水
濯一溪錦雲蒸半嶺霞翩翩雙蛺蝶來去意無涯

清明登西山

不期風雨霽相與快良辰日暖尋芳徑天憐垂老人顏
酡春酒列岫碧晚烟勻還憶百年內茲山登幾巡

城外觀劇還過李當衡齋中留飲

觀止逢塲戲歸筇爲爾停晚來深巷靜雨過小窻聽殘
竿依紅燭鄰家續綠醺恣情談往事不覺醉還醒

外孫姚汪若治具邀過古塘看荷花
高樹午陰繁筇停郭外村溪風涼解帶荷氣馥迎尊白
鳥翠微映綠疇新稼盈夕陽西漸落峰影到籬門

仲寬弟携酒邀同過瑞隱山房

雖是秋爲氣茅堂肅更閒白衣先載酒紅葉已盈山歸
壑泉聲小迎霜穡事刪前峰忽送雨歸屐任蹒跚

姚戊生以遠寄花露酒分惠賦此答謝

昔爲於越客花露酒曾嘗其味別來久餘香入夢常多
君分遠貺遣使到荒堂正及春寒夜温生琥珀光

夏日遊姚若侯山齋

新篁翳谷口樵徑達柴關峰翠四圍合雲陰一片間衰

顏宜對酒暑氣不侵山去郭無多路何嫌數往還

雨後同李當衡東郭眺望歸留小飲

年衰無至友杖喜與君并山色青回雨溪流白繞城欵
扉留倦屐揮塵盡餘觥更戀紅薇葢垂垂照眼明

姚駕侯涉園茅亭落成二首

爲亭聊寄傲日涉有餘閒坐待城中酒飲看簷際山池
萍風定合林鳥日晡還好與園丁約余來莫掩關
傍郭營三畝誅茅葺一丘引來隣苑竹靜對此君幽疊
石堪爲几臨池不必樓縱橫十笏地儘可錯觥籌

夜喜李未盡見過

僻巷犬迎吠知君過我廬杖藜三徑熟扉啓一燈初促

前明風雅卷二十三
膝逢遙夜高談慰索居荒樽殊未竭城月滿前除
姚東朗邀遊爽園

緩步秋郊外秋風吹鬢涼葉聲霜後厲山氣晚來蒼飲
量隨年減吟情逐景長爲君拚一醉不負菊花黃

出門遇李未盡同至城南蘭若

老友出門遇招提共叩關日行冬至至緩人到古稀閒衰
草夕陽路遠天殘雪山沙彌能淪茗啜罷數杯還

哭姚戊生二首

青陽纔獻歲桑扈返其真暮齒寧多日傷心哭故人風
颯三徑竹書掩一床塵惆悵軒前月清光空滿輪

六十年來友交情晚更真溪山不獨眺肴核待予陳精

爽嗟何往追陪跡尚新生芻聊一束不媿故人貧

午日前一夜露坐有感

日落衡門掩空階露氣微年衰諸病集交久故人稀白
髮刈將禿青山願已違泛蒲觴罷後又復檢生衣

七夕立秋有感

立秋逢七夕兩節忽交加榮落看朝槿暄涼促歲華筭
無衣可曝隣有酒難賒戚友凋零盡徒將往事嗟

歲之二日飲象九姪喜左子兼至限春字

白髮翁遲暮烏衣巷早春恰虛未滿座喜到解吟人事
往嗟無及時危族可親暖將和杖履飲取歲華新

過北園有感

音學居來卷二十三
隔岸過橋路依然跡可尋
主人成異物遊侶少同心
樹色團青靄亭簷列碧岑
獨憐霜髮叟薤露爲君吟

苦雨

原憲貧非病江淹恨本真
何堪半月雨似窘暮年人
潦集庭前地黴斑架上巾
茅簷纔任雷又響一番新

閒眺西山

躡屐雙塘路水涵嵐翠沉
漸衰踈柳影少韻病蟬吟
蘭若過橋近秋光入院深
不知投老客惟愛白雲岑

同李當衡家仲寬弟南郊卽事

一筇隨所適到處愜幽尋
綠竹暗晴塢黃鸝逗午音
家家面蔬圃岸岸引溪潄
更值同心友閒恬半日心

贈李當衡

平生二三友世外締交真
真相與謝聞達翛然學隱淪
我叨一紀長君亦六旬
人著述千秋事諮詢莫厭頻

冬至作

歲殘逢至日且喜一陽回
雖未嚴寒減應將弱線催
酒沽來隔院火燼撥餘灰
待雪融山路看梅到水隈

雪中憶李未盡

不知宵有雪曉起壓柴關
照我室中壁憶君門外山
擁爐看不厭曳杖意何閒
一片凝寒色千巖萬壑間

送四弟之建寧

汀洲草樹歇春暉送爾心
隨去鳥飛時值麥秋艱
旅食

路經梅雨潤征衣家貧骨月團團少世亂間關音信稀
到日若逢賢地主買山錢足早言歸

過姚戊生新營別業

羨君一榻寢于于無復鳴騶向耳呼花萎殘紅春欲盡
林垂濃綠日將晡纔依籬落開三徑未得墻頭過一壺
却話故山從別後東風幾度長蘼蕪

過林生洲舊居有感

竹林游散邈何年人事天時幾變遷廢苑有花猶爛熳
野泉無主更潺湲黃公墟畔餘黃土白社池頭空白烟
此日經過倍惆悵不堪聞笛夕陽邊

哭內兄倪玄度

避難歸來情更親尋常雞黍亦論文何期白玉樓需記
遂使黃泉路獨分桑扈返真寧有友遠公開社恨無君
可憐垂老知交盡又見天風折雁群

次韻和楊蘭似雪中見寄

雲暗千峰鳥絕飛朔風吹雪犯簾衣寒將逼歲歲云暮
我亦懷君君盍歸載咏瑤華篇有致益令丘壑願難違
黃虞世遠人安適好向春山學采薇

同姚戊生泊東梁山登絕頂

來往風帆曾數過蓬窓徒羨勢嗟峨忽逢倦櫂停江渚
得趁殘陽到薜蘿絕頂老僧供茗椀橫江孤雀掠漁蓑
踟躕未盡登臨興無奈烟光向夕何

雨抵東陽暫憩隱竹菴

楚雨淒風欲暮天
禪宮遙羨隔林烟
新篁蒙翳藏雙徑
行李沾濡息一肩
磬罷溪聲喧到枕
櫺疎月色冷侵氈
驚魂栩栩回殘夢
猶在危橋斷岸邊

同諸友登北山

故山風景尚依然
此日登臨憶昔年
一自里經多難後
幾人星散老夫前
閒雲漠漠籠殘照
遠水潺潺咽逝川
扶醉步歸城郭近
晚鐘浮動萬家烟

別方爾止歸桐留飲

草堂尊酒屬離筵
話及行藏倍黯然
在世忽逢天地閉
論交還訂向禽緣
冥冥鴻路高侵漢
謾謾松風冷入絃

別後相思何處切
夜燈秋雨滴窓前

同姚聖林左子兼家弟仲寬過別峰菴

秋樹陰森葉未摧
精藍遙在碧雲隈
犬如華子岡頭吠
人在山陰道上來
鐘定僧閒供茗椀
天青月白照香臺
陶潛入社難除酒
許我携尊看早梅

冬至

孤筇轉徙向天涯
旅食悠悠節候移
却喜陽光添一線
難教霜鬢減千絲
夢徵還筆猶耽句
年近懸車尚履危
摠是饑來驅我出
半生容易與鄉離

喜友人見過新居

每向青山去意多
不期髮白竟蹉跎
雖無俗韻驚猿雀

時有閒情到薜蘿
栖覓一枝仍是借徑開
二仲僅能過
向平五岳空存願
其奈桑榆暮景何

連雨喜未盡見過留飲

堦草纔除雨又滋
殘編拋去倦支頤
盤空飧欲添藜藿
薪盡災將及
屢屢蹠躩展聲籬
落外踟躕霽色夕陽時
多君好我能來往
小酌西窓豈預期

歲暮還家

墟里蕭條歲欲除
遙瞻衡宇意次且
數千里外歸無恙
盡一家中慶有餘
不諱屠蘇分少長
已拚霜鬢付居諸
雖然旅橐稱羞澁
春社徵錢亦可醵

元夕飲姚翼侯宅共燈字

雪映長廊月漸升
華堂垂幕集親朋
人矜歲以茲宵重
酒較籌於往日增
銅漏頻催猶把盞
銀花屢燼更挑燈
君家樂事予長預
春至青山又可登

同張仲友家仲寬弟過古公禪房

緩步秋郊葉未黃
相携共叩遠公房
暫乘半日身閒暇
靜聽彌天舌廣長
一簇雲山晴入戶
數竿風竹影搖牆
淨緣於我何無分
投老猶難與世忘

左子兼兄弟治具邀同廣陵周驥伯梁子武遊龍

眠暮宿獅子社

同人竟日探幽去
山色秋深覺更妍
一杖高低黃葉路
千峰向背夕陽天
僧能借榻堪留飲
客解吹笙可廢眠

林月滿除尊未竭不知今夕與何偏
人同楊蘭似過爽園賦得看竹何須問主人
郭外園亭山半橫新篁初引綠陰輕此君卽可供酬酢
幽境那從覓送迎門掩閒僧爲啓鑰林深野鳥自呼名
偶來嘯咏殊多致誰道王猷不近情

遊釣魚寺

寺背山椒面向河岸邊盤石更婆婆
不知垂釣人何代猶有遺踪客可過
霜葉隨風飄水際灘聲終日響巖阿
淹留莫羨歸林鳥已有閒心眷薜蘿

吳雲間有詩見贈依韻答和

因卜芳隣徙宅來不圖三徑果予開
酒於暮夜偏多興和屬陽春不易裁
秋老踈籬黃綻菊霜晴暖砌綠留苔
衰年萬事都捐却無復閒心賦七哀

除夜

雙燈焰冷總帷垂薦罷蔬羹淚滿頤
榻上浮塵留鼠跡壁邊僵瑟脆風絲
柔榆不恨流光速泉路翻嗟晤語遲
白髮蕭然當此夜癯形只欠一披緇

暮春同李當衡過未盡山居二首

青冥路入四山虛十畝閒閒隱者居
薄俗與君同厭棄幽棲先我得蕭疎
繞籬抱甕捐機事踞石看泉挾道書
從此便爲嘉遯客多情猿雀莫踟蹰
一泉宛轉漱哈呀飯罷提壺徑未賒
石上蒲根流不動

巖端林葉蔭全遮就潭挹水烹新茗隔岫看雲變早霞
倘可比隣分數畝綠溪青嶂卽移家

張伯頰別四十餘年偶過桐飲我賦此贈送伯頰
在前朝曾爲副總戎

別久事多天寶遺與君細話淚交頤相逢顏面俱非舊
不道姓名知是誰酒注杯深春晝永雨沾裘重客程遲
青門好卜歸休地謾說曾驅數萬師

祝山如以新刻佳稿過門見示恨未及面作此謝
之

老向騷壇學息機賞音識道竊心知已憑時論推何遜
不復逢人說項斯深掩荒扉休夏日朗吟秀句動涼颺

微才何敢當遙擲調絕深慚屬和遲

初冬送李未盡之豫章

江澄如練淨寒姿五兩風兼雁影遲潮落听高舟泊處
村荒酒遠月斜時家貧未免饑驅出歲晏無爲醴設羈
到日滕王江閣上爲予一拭舊題詩

予以壬寅三月十八日初度七旬鬢嶺李未盡於
次月初五亦是七旬予不耐人事邀同李當衡
家弟仲寬造鬢嶺避焉有作

春夏之交廿日內與君俱是古稀年不堪禮法繩嵇阮
聊向雲烟伴僮僮室內琴書樽內酒籬邊松竹澗邊泉
一觴一咏騰騰醉漫擬吾儕是葛天

偶題

支離病骨慵朝起，拂罷琴書試啓關。
三徑草深無客到，一林烟合有鶯刪。
區區禮法寬吾老，落落襟期與世閒。
更喜鬢鬢純是白，不留纖黑雜其間。

秋半過姚戊生山堂

孤情久不樂人間，每向幽栖喜叩關。
霜近紅先獨樹葉，雨餘青匝四圍山。
繞畦曳杖忻秋稔，對酒論心到夜閒。
地迥免聞城漏促，溪聲枕畔益潺湲。

秋日苦雨

天時人事不相謀，宜雨宜晴乖所求。
入夏平疇逢旱魃，及秋下澍怒陽侯。
打門畏有催租吏，問字嗟無載酒儔。

僻巷泥深三徑沒，綠苔滋蔓上墻頭。

姚翼侯携具招同蕙若上人遊投子山

風葉颼颼秋暮天，扶筇遙指翠微邊。
沒來古徑無完砌，墮後殘碑失舊鐫。
因嘆禪宮亦銷歇，何疑人世不推遷。
山僧清論同支許，說到忘情復惘然。

冬夜同李太素祝山如集石逋宅

歸自山中歲暮天，伴來聞信意欣然。
一尊話戀二三友，半榻書分內外篇。
說有長星當夜見，便將殘酒酹筵前。
數竿簷際蕭蕭竹，亦解敲聲到耳邊。

聞蟬

古木森森蔭四圍，鳴蟬何事背人飛。
嘶如緱嶺吹笙劇

前集卷之三
去似湘靈鼓瑟希翼薄風恬騰自便涼生暑退韻應微
可憐遷去情難默又弄新聲送晚暉

壽與疎禪師

空門雖不貴長年遠慧精勤老更堅入夜觀心蓮露畔
及晡送客虎溪前偶隨甲子週僧臘久住林泉謝世緣
丈室可容獅子座應知獻瑞有諸天

過李未盡山莊

未至君家方里許嶺頭風雨妬山行衣燎松火週身暖
門咽溪聲到耳清呼取隣翁堪對飲擁來巒翠正浮觥
中宵已有疎星見明日應邀一日晴

送春

四月一日春告歸榴花綠蔭荒園扉明時好友舍我去
晚節末路與心違拚老何用流光惜耽空聊將釋氏依
惟有苦吟習未遣驚人猶憶謝玄暉

送曾孫入塾

手挈衰宗四代兒殷勤託汝隔垣師時違朱紫非吾願
年富青藍任爾爲勉赴笈書趨北面好拋竹馬挂東籬
可憐士子常爲士嚼蠟明知不忍墮

同楊蘭似拜謝中隱先生墓三首

一從桑扈返天真高塚纍纍春復春可嘆人間多事日
不如泉下穩眠人

烟草風榛絕四隣誰能到此不沾襟他年往事同流水

龍眠風雅卷二十四目錄
此日餘生哭故人
為嗟人世都如幻
幻到君邊數更奇
身後兒隨同伯道
女離鄉去似文姬

立秋日喜秋葵便開

忽聞高樹曉啼鴉
蝶散空床幽夢賒
種得秋葵期不爽
兒童驚喜有新花

龍眠風雅卷二十四目錄

木厓潘 江蜀藻輯

京口程世英千一

同里周孚先信臣 叅

張秉貞 九首

吳紹廉 十三首

方象乾 二首

戴君擢 二首

方元芳 八首

張秉成 十首

葉士璋 六首

周澍祖 十二首

馬懋勳 二首

程冲然 十三首

齊登閣 八首

方聯芳 三首

倪自清 十八首

方孟圖 六首

胡學華

二首

方毅

二首

龍眠風雅卷二十四

木厓潘 江蜀藻輯

張秉貞

字元之號坤安崇禎辛未進士除戶部主事

體累官藩憲所至職辦順治初以祠部擢通政使
踰年拜刑部尚書公以各家子孺染典故善推情
隱執法公平廉恕釋繫全要領者無筭轉兵部
尚書與校卜者再時樞政繁劇以運籌勞瘁卒于
官 朝廷震悼諭賜祭葬謚僖和陰三子一時思
遇之渥莫與為儷公端凝厚重深於經術早年棲
心禪悅與古德耆宿相扣擊晚嗜程朱之學古文
辭詩歌皆有根柢所著即心即佛說及石林問答
石林漫語瞿菴詩
草諸稿行于世

感賦二首

皇圖弘汲引恩禮被南冠蒯缺延渠屋珠炊給大官嬾
耽賓客少疎幸網羅寬獨悵清宵立懷家淚不乾

日穩三竿睡貧門客到稀琴書閒獨遣僮僕冷相依僧
寺尋花去隣家貰酒歸倦禽遭弋慕甲戢敢言飛

弔徐固城歿難二首

君出予留辨屢譁眼憐同病落狂花不知歿償何人債
只覺生多夢裏家矍鑠幾年扶壯氣逗遛香骨掩平沙
朝官設遣重壇祭更晉崇階下白麻

長歸可有歸欣喜大別應無別苦辛七尺昂藏甘報主
四知精爽合爲神衣裳後閣還諸妾絮酒空庭哭故人
生死眼前誰得喪多君貧老未閒身

卜居

爲卜閒棲且退藏荒除野性共蒼涼衝簾雨氣疎燈濕
拂座花風散帙香蟲急殘吟依近戶燕遲三宿戀空梁
飄颻久客居初定只有移文愧草堂

官閒

浪跡都忘進退身曠懷自覺老能真淋漓酒興難言去
曲折棊思嬾應人天幸已多休服藥此生猶剩敢辭貧
官閒更許叨休沐衣布長安一隱淪

秋懷

短鬢微霜已半侵不將分寸惜光陰便逢伯樂寧辭顧
縱有鍾期亦罷琴高閣束書憐病眼蒲團結坐護殘心
日來偶爲重陽菊閒去籬邊一再尋

和薛大司成署中竹韻二首

雲根移植綠堦深一曲琅玕氣自森清翠未容巖暑到
蕭疎偏引惠風臨當軒頓洗驚塵眼橫月時關問夜心
長日貪看官是主平安應憶故園林
一徑莓苔別院深數竿修竹影森森坐緣獨對成長久
客為來看屢過臨涼氣曾通仙史夢青陰猶見故人心
幸逢封事稀旁午疑是閒身入故林

吳紹廉

字不貪號無咎邑諸生大叅皖山公之孫也
好古博學工吟咏屢困舉場年甫四十從子
國琦舉進士夢其祖告之曰貴不及子矣遂棄去
帖括研究禪理與天童博山相印證綽有領悟以
冠亂南渡單騎走京師客從子所歲元正忽戒裝
趣歸抵舍三日卒戒妻子勿哭曰吾造旋非無意
也所著飲泉亭集
鄉先正多稱之

憶家

谿山既黜藹松杉亦不疎繞屋皆稻田清渠灌有餘昔
擬偕妻子樂此衡門居詎意扁舟情辭我舊門闔林寂
鳥應笑徑閒花亦舒交知無一過酒盞塵未除思兒時
說夢生女貌異初昨夜秋鴻來遺我天際書窮達固有
命去住當何如

葛嶺

峇峩出衆嶺樓閣空中開天風振脩羽忽上初陽臺落
霞動危石古井迷青苔想像鍊丹人跨鶴時復來對此
澄湖光心迹曠無埃似擲浮丘袖暢焉臨九垓

觀打鱒魚

五月鱒魚來皖口橫江日出船齊走細網輕絲罟不驚

雪鱗渾入漁人手入市賣鮮俱一空得錢爛醉菰蘆中
待到晚涼搖艫健妻兒飽飯從長風

維揚古意

春風吹野花如雪柳花自與桃花別柳花落盡江濤深
江波到有江頭榭江頭客子趁殘春踏遍維揚古陌塵
芳草不留朝代跡錦帆牽水是何人當時行樂逐妖冶
朝朝暮暮迷樓下今日新城非故城夕烟望斷隋宮瓦

早發

潮褪江門曙歸舟不肯眠星疎低拂水樹遠澹依天省
識前洲路因辭一港烟去來帆上月飄泊幾回圓

金山寺二首

古寺江心出洪流倒案前雨花紛浪沫雲葉過爐烟水
逝空長住山擎石盡懸嵌崑逢老衲春到始知年
霽景澹如秋平波漾不流海門雙闕峙天塹一巒收古
殿盤馴鴿危欄狎野鷗山川望南紀處處拱神州

雪僧

久事參尋歷百城如今立地證無生衣幢盡脫風塵垢
瓶鉢俱涵水乳清香象截流元是悟白牛露地本非情
何須日出看獅子色卽是空當下明

雪夜柬謝中隱

一室爐存銅雀冷疎林雪淨玉繩橫閉門不見先生迹
高卧誰知處士名臘凍到盤畦菜小陽生入手酒杯清

故人咫尺山陰隔憶爾抽思賦已成

漢陽峰

登嶽選奇峰漢陽為絕頂座上漢陽來望中楚天迥

綠羅菴

清公宴坐處繞屋皆蒼苔冉冉石上雲朝夕待君來

為傳遠度畫扇并題

峰明可數葉堪聽幽徑無人戶亦扃誰汎小舸來問訊

湖風吹過浪花腥

上七絕句

獻歲連朝總是晴鴈行歷歷過空明作書似亦知今日

牽起江南塞北情

方象乾

字聖則號廣野一號聞菴岡卿冲含公之弟三子崇禎間恩貢初授監紀通判以督餉勦寇升廣東高州府海防同知退狼寇有功轉廣州府同知督師海上有散花神女助陣之異歷任至兵備副使未幾解綬流寓廣州韋村病卒公慷慨負氣節振人之急不憚傾身營救有古人風義惜其集不傳

廣州懷四弟咀菴五弟坦菴

嗟余同氣剩三人異地應憐多難身棕水可容垂釣叟
鍾山猶有種瓜臣頻年獨夢傷池草萬里分飛感鴈賓
極目欖槍何日靖蕭然百口累風塵

喜弟姪登第念幟戡兩兒

間關貧病厭餘生南阮驚傳北阮名豹變共推新國士
貂寒應滯舊江城忍饑還用開荒畝守拙寧辭困短擎

歸老但能偕二子長將一炷答昇平

戴君擢

字偉卿號懸水歲貢生早孤母趙年二十矢節教之成立以年資貢禮部授和州訓導改建學宮科名蔚起和人士至今誦之

思鄉

老年猶作客念念故鄉懸廬舍何須計松楸最可憐四

時新孰薦三鼎亂全愆不為兵戈阻歸來掃墓田

寇警憶兒

傳聞羣盜躡瀟陽西望枌榆最可傷負郭原無三畝宅

渡江又怯九秋霜汝真進退皆成谷我亦行藏枉斷腸

蕭寺掩門清晝裏霏霏雨雪倍淒涼

方元芳

字邴枝性敏者學家有松鶴樓多藏書假者難之公曰據先人之書者未必讀讀先人之

書者不必有歲必割筆耕資購書數十卷卒之日積五牘焉

題天筆山房為從兄壺山先生賦

吾生耕以筆數口苦經營天公筆不耕萬仞掃烟雲上

凝星與斗不以蘸滄溟不畫金粟影不寫黃庭經問汝

何所益植立亘古今答曰爾何識兩儀自吾闢日月點

天晴山川充地質太極既分明故向此中立蒼秀撼千

岑高寒搖太乙若爾三寸管碌碌供人役惟有壺山人

握我如椽筆

天柱峰如椽筆伐穎原不自中山更名更不猶不聿混

沌是硯雲烟為墨絢出文章自一家繪成江山生五色

亘古猶然潤至今亦不禿不向夢中授江郎惟與壺山

相對挹我謂而今無巨靈一枝高插與天橫幾欲搗來
紀三品無才應似鍾繇等如君意氣自非常萬仞揮毫
筆力强紫霧彩雲都助趣投向玉關殊快意

過小關

故鄉容易過出境便增愁紫氣關前繞晴雲望裏收山
高天欲落日暝鳥知留前路無多少停車怯阻修

讀桂林公詩

從來臣節幾人昭忠直如公翊聖朝繡斧不成無罪獄
文旌能格逆行苗桂林八月風何遠松鶴千齡雲自飄
七世未泯君子澤誰將青史著芳標

讀孝廉石洲公詩

天欲孝廉爲砥柱先生故老不之官一經地僻塵囂遠
六逸名齊賓主權公與何宗堯吳用宣趙子恒養志豈
張以韶彭惟善以理學倡桐
窺遺橐厚事詳邑志養高寧惜敝袍寒常拒同令名世世貽
孫子松鶴梅花寄羽翰

過五溪橋

佛在須彌頂誦聲響如雷天台良可度度此卽如來

舟中美人

自信心如水身輕一葉舟風狂猶欲渡到處逐郎遊

出家美人

卸却紅塵路空中色更殊莊嚴花上像若個不如無

張秉成

字欽之大叅懷琴公之仲孫也崇禎間歲貢
早擅時譽視兄方伯公不啻過之人或日以

介弟輒夷然不屑生平取言緣藉年二十九始補
弟子員試即高等自六經暨百家諸子史讐勘丹
黃幾萬餘卷尤酷嗜濂洛之學纂輯四書性理大
全稿凡數易嘗語人曰此千古聖賢相授受精義
外此皆糟粕耳年五十有五以諸生久次貢大廷
未及對而卒所著詩有學未草弔方正學先生其
絕筆也

夏日同五友遊菁園

種竹近千竿三五可盈把隙地結茅亭客來亦瀟灑坐
久欲生寒沽酒命杯竿樵叟世情疎老衲塵緣寡相對
有餘懽安問俗與雅遲遲今日遊林下且繫馬試問五
人中誰是能閒者

懷汪君酬

杖策出門去于今越兩旬早霜堆短鬢層雪滯征輪客

况親僮僕鄉心問友人懷君不能寐此際向誰陳

送別王化卿

十載顏依舊因知道氣全萍踪能混俗趺坐且逃禪好
句多留越征鞍恰返燕如何又行役孤櫂入風烟

逢野老

偶逢野叟日將斜笑指前村是我家春罷新秔堪作飯
汲來活水便烹茶開門翠借羣峰色掃徑風來隔岸花
草榻斂斂新月上且同兒女話桑麻無容同說劫舉難
青絲秋來日添霜回車驚餘尚管外不笑眼前安暮沙

秋來閉戶卧茅茨不似從前掃軌時少婦整粧慚我老
明師捲卷嘆兒癡未知何日完愁債難得開懷想舊詩

幾向佛光消宿業好同野衲誦牟尼
青絲鏡裏已添霜何事續紛尚著忙
還愁身後更郎當有書慵讀空懸閣
却怪牽衣雙穉女鉛花猶索過年粧
俠骨凌千秋山川供爾傲為看日暮雲空傍竹籬笑

隙地結茅亭亭前梅與竹有聲逐耳來活水流空谷

孤憤詩

三十年來學草真筆頭瘞冢太嶙峋猶同兒子爭歪正

幾路紅描上大人

弔方孝孺先生

先生不草奉天詔正見高皇大用時始信讀書爭是

字却令十族盡誅夷

葉士璋

字允男號玉山大宗伯曾城公之長子也以

習屢試于主司拔蚤先登不知其為長者家兒也
好讀書手把一卷至老不輟見人文字一語之善
誦揚弗去口尤獎引寒素不惜解推單門後進刑
其成就者甚眾晚歲自訂玉山課兒草先正典刑
至今在人口頰間有娛
竹山房詩稿藏于家

寄贈董孔昭

宰官身是寄禪悅味猶真不必離塵世居然現法身庭
除皆淨土杖履亦禪因欲學無生理從君一問津

新書寄贈朱子葵
只道玄亭遠那知咫尺間相思不命駕徐步即開關
誦聲相接雲烟賸一灣抱琴如有意來往未爲艱

體元寅丈之任詩以餞之

輕舟猶未發想像已登仙不但之官好兼知遊興便
青徐雲亘野吳楚樹含烟繫艇聊舒望悠然別一天

容臺署中作

悠悠冷署動經年徙倚庭除思悄然風送鳥聲乘蚤讀
月迴簾影待遲眠柴荆晝閉非耽寂步屨閒行亦懶旋
我自迂疎成小隱休言俗吏是神仙

送三弟還里門

聚首長安已一春翩翩喜見錦袍新花看上苑名纔噪
路入家園夢轉頻駿市千金渾得價囊餘孤劍莫言貧
如何此別難分袂寄語高堂倍愴神

李士雅方漢士見過

幾載柴扉只畫扇憑他剝啄不須聽忽聞二妙閒相訪
令我雙眸猛覺醒簡點庖中無宿物揆牢甕底有清醞
挑燈細話天南事指日投戈好勒銘

周法祖

字則貽號合明少篤志問學淹貫羣籍流輩
不敢望承學之徒多所成就家世居城南環
堵蕭然日課二子以吟咏自適其著述甚富
厄于寇亂與負郭數椽同歸一炬可慨也

歸舍

暫息柴門下疎籬繞徑斜城頭餘落日樹杪見棲鴉兵

氣寒村落秋容老菊花自今安蹇拙生計託桑麻
夏仲喜雨霽

初晴閒一望四野水平天山色畫中出溪聲身外傳暮
雲深樹掩斜日小窻懸呼我高陽侶清尊祝有年

秋夕

空階鳴促織秋意到孤幃桐葉飄新子荷花墜故衣天
清河影淡夜靜鶴聲微起舞愁難寐懷人興欲飛

立秋

清風來樹杪涼氣動柴扉嘗稻知年熟浮瓜賴圃肥饑
鳥依母宿乳燕護雛飛雨後添秋水容余坐釣磯

清明郊遊

東郊一以望春色政嫣然香惹遊蜂鬧風催去鴈翩遠
山青入畫野水綠平田牧豎誰家子驅牛領暮烟

清明偕潘緋郎維南登玉屏嶺

春色蒼蒼點翠巒山城宛作畫圖看草鋪翠帶今方艷
花理紅粧尚未殘林密偶招同偃息蘭芳恰喜共追歡
峰頭誰把驚人句搔首還憐一鶚冠

初夏有感

綠樹逶迤隱夕暉孤雲天外自依依鶯如舊識隨人轉
燕似新知傍客飛痛飲儘堪賒夜月無炊尚可典春衣
忘名久許甘丘壑留取初心未敢違

論文春日次韻寄友人

春風吹綠柳
春日次韻寄友人
論文春日次韻寄友人

論文每恨不同堂夢裏時尋薜荔墻百斗能沽村酒熟
一盤可煮野蔬香花容過雨紅猶嫩草意逢春綠漸長
料得幽居誰共語閒吟還憶老夫狂無成尚可典春衣

幽居

幽居樂事敢言賒曲徑疎籬到處花早釀清醪秋後秫
時烹活水雨前茶庭迎松竹成三友隣結漁樵渾一家
惟有賤貧依舊在老來豈復計生涯

庭前桂樹不花

露下天高別院芳風飄到處散天香低徊待爾開蓬戶
冷淡虛予植草堂為謝繁華羞白髮應嫌攀折惱紅妝
誰知寂寞秋深際枝葉還留傲雪霜

除夜

獨酌終宵看曆新曉鐘又報一年春空囊戀我惟詩句
衰鬢逢人任笑嗔世事已隨商陸盡交情還覺酒杯親
不須掃徑延佳客誰扣蓬門問隱淪

登栲栳山題止心菴壁

捫棘披荆陟峻巔須知呼吸可通天望中白接三江浪
野外青浮九子烟谷口草芳招牧唱山腰薪爛縱樵眠
俯看城郭紛紛客誰似蒲團一老禪

馬懋勳

字四明偉軀戟鬣若河朔壯士家酷貧挾兔
園冊子走舒六間為童子師性傲岸不羈嘗

以書上從父太僕公公一見嘆異以粟四十斛與
之有素所善某生以冠軍隸博士弟子同儕競索
其經義讀之四明獨不問寢與某疎居數年旅進
應童子科猶某生冠軍試題也乃始悔之卒不售

晚歲授徒南郊油醅巷困益甚放意詩酒不少嬰其懷所作詩佚于兵火從孫臨公口授二首又記其警句如放後還家云多情惟燕子還傍草堂飛石上藤蘿月影有似先子狀貌云痛知貧未傳遺像自寫真來上薜蘿弔友人友曾有所許云當時漫許徐生劍今日仍懸季子丘皆秀拔可誦也

山行

過山聞犬吠望望有人家瞥見翠微裏開門掃落花

湖上卽事

一聲欸乃破蒼烟驚起沙頭醉客眠酒渴正思魚作鱸

問渠可是賣魚船

程冲然

字盈之號五嶺郡諸生生而夙慧四歲能屬對十三歲應童子試太守林公覽其文大奇

之取冠多士顧數奇不偶年餘三十始補弟子員卽以是秋赴鄉試主司甚賞異之復以小書不見錄又明年遂卒年厘三十有六死之日素筆大書云生死場中老手煩惱法界積慣任他朝晴暮雨

一樣鹽鹹醋淡縱然幾件不足總是司命註判明知久客當歸風急難解船纜書竟擲筆而逝論者以爲古德再來云性者酒不霑醉不止醉後縱談天下事成敗古今人物高下如數黑白蓋託于酒而逃焉者也所著詩古文詞多放失不存吾桐自甲戌民亂乙亥寇至而後兵火流離卷帙委散文獻之厄恫乎有餘悲焉

龍山歌

龍山鬱律天中起雲車時過羨門子崑崙九府半嶺開海上三株深林裏中有仙人清且奇手扶百尺珊瑚枝青泥一片吐石室紫芝千載浸仇池憶昔武帝好神仙徐市入海幾經年我今日覩青毛節肯向閩風空手旋君如霞蓋入天門爲我殷勤安期生桃花落盡川水笑那能負爾相望情

東左綏之伯季

公子重雲外書來惱殺人相如猶喻蜀張祿未歸秦筆
秃五經笥弓韜千里城饒知招隱意山水有餘春

立春

去年別我去今歲逐冬回應知識面久莫說是新來

題黃檗寺壁三首

氣迸千秋雪裏光搖萬丈雲端百歲僧敲石磬千年仙
老金丹

黃檗山頭佇望紅萍水面稀傳鷓鴣不肯停立蟣虱那
堪惹烟

白頭頻回蕭寺絳唇微展潘郎蛺蝶眉間沁粉遊蜂翅

底傳香

白公瑾之鎮江

與君同作雙龍劍今日翻成孤鷁飛雷荻江濱無限月
可能分贈故人歸

秋怨

深閨兒女年十五未省空房獨宿苦秋日勸郎覓封侯
別郎初解梧桐雨

春閨

征人一半在遼陽舍北羊田淺草荒杜鵑枝頭知雨足
子規聲裏識農忙

夏閨

沐罷臨池荷自香水傍風熱却歸房夜分獨解鴛鴦帳
贏得羅文簾子涼

秋閨

欲寄秋衣轉自哀重雲知是爲誰裁無心更把雲機上
促織何須夜夜催

冬閨

縱擁重綿夢不成何緣却遇玉關人殷勤寄語梨花雪
凍損明年三月春

次張欽之短歌

純袖羅裙醉紫觴綠楊堤畔晚風香錯將郎比芙蓉面
不看芙蓉爭看郎

齊登閣

字理侯紹興守越石公之第三子也六歲受

雖儼然華胄無膏梁裙屐之習始濁世之佳公子也讀書攻苦踰於寒素小楷規撫義獻咄咄逼人

年二十餘早卒妻倪氏爲太僕吉旋公孫女勵節至六十餘歲而終鄉黨稱其高行請于邑宰旌之

夏日丘魯瞻招同方竟魯唐孟嘉陳璣先孫克咸
家兄員倩仲符遊投子分得客字

春光忽已過急著登山屐投子有良朋趙州無俗客鳴
泉咽曲谿荒草埋幽石回首夕陽斜詠歌出林陌

曉出峽山口

斜月催行騎荒村亂曙鷄白烟一峽起蒼霧萬峰迷松
濛吹人面莎珠滑馬蹄莫愁江雨至旭日已前溪

登古道菴感懷時有宣城之役

客意憐桑梓歸然古道存魚龍餘舊邑鷄犬漸荒村長
薄團秋色高陵出水痕念茲經歲別未別已銷魂

同諸友飲女郎樓頭白

草率隨供帳相攜出郭行村烟低暝色水碓亂溪聲盡
扇嬌歌倚芳林片月清酒酣情易觸今夕定平生

秋閨二首

正作遼陽夢天風徹夜號寒聲催玉杵霜氣入金刀淚
伴征衣寄情牽塞月高何當看候雁得意向南翔
已識征人苦翻驚朔吹時明河催鵲駕纖月黯蛾眉寶
靨慵無力疎燈影自疑歸期難預卜瓜苦正離離

贈豐城譚端甫

子虛賦手舊登臺新識遊印司馬才一榻古今高士重
雙龍風雨大江迴尊開海月排空上歌動風雲擁戶來
莫向秋聲悲故國客中猶有弟兄杯

送教宗歸終南

蕭然一鉢卧南山翠壁蒼苔意自閒欲覓高蹤何處是
白雲千載在秦關

方聯芳

字杜若與兄元芳齊名制行剛正有嶽嶽之
槩購異書不惜善價兵燹中轉徙無寧歲猶
載書與俱它真不問年三十餘即不求仕進肆
力詩古文詞家壁立嘯歌自如所著有錦洲集

大雪歌

吳二怒顛萬竅吼海門不守鮫人走冰絲組織夜光寒
羅剪綃裁天孫手撒鹽飛絮擬未工賦形肖象鼎彝同

音耳居卷二四
瓊枝瑤榦賽金谷砌玉簪銀雕玲瓏茅檐占得此繁華
燒酒澆筆破凍花一觴一咏酬豐兆酒興詩豪兩闔奢
騎驢老友望不回僵卧癡人喚不來叱退肉陣遮寒輩
讀盡陶詩酒百杯

陳友索和竹枝詞二首

儂家住在湖水灣半捲湘簾桃柳間儂年却似新春柳
桃花那得勝儂顏

多少春情未肯降歛眉終日倚晴窓起遊纔及看蠶候
愁見花間蝶舞雙

倪自清

字景北崇禎間貢生少負才名篤學好修屢
試諸生高等性狷介尚氣節取與之間絲粟
不苟以年資貢禮部由寧國訓導遷巢縣教諭所
至袞衣升堂頌禮肅括簡習秀希風問業者戶

屢恒滿比歸垂橐而旋不能搆一椽也晚年手
不釋書猶教授鄉里以著作自娛有遜叟遺稿

陳朝龔作巢許祠詩

燥髮讀南華景仰許由躅遐哉出世情隱處在箕谷箕
谷豈不深韜藏猶未篤天子聞姓名使長九州牧富貴
如空花達士非所欲不受未爲奇洗耳翻成俗言固聲
之塵水亦塵之屬堯言誠汚耳堯水亦能汨耳根本圓
通垢淨由心觸強汝側聞機解一可忘六所以巢父高
最得禪家骨聆言飲上流惟恐汚其犢因念夷賢扣
馬多勞碌何如采藥人至德千古獨世界亦微茫滄桑
常反覆有形都有盡那得無盡屋云何作此祠平地妨
遊鹿吁嗟許先生清風未如穆良因一念妄留此好名

龍眼風卷三十四
窟我今過居巢夜半郵亭宿晨起訪遺蹤拜瞻如有感
公意或不安令我徒僕僕我亦學先生投淵洗雙目

過閒雲菴

故山回望遠此地任追攀出郭無多路看雲已獨閒竹
敲遊侶字花隱定僧關去去溪旋過相呼一笑還

拜廣惠神祠

神姓字不傳雕身附梓木或曰梓府君

府君何代起高廟古堤邊姓字留疑信精靈迥佛仙雲
霞棲冉冉風雨應年年祀事春秋肅爐香萬井烟

聞鐘

疎鐘何處發如共客驚秋響入庭梧亂聲傳巷杵幽漏
遲風在枕天淨月當樓直躍雙龍吼遙遙貫斗牛

長庚星芒特耀占云吳人多壽漫紀

籟息夜涼生蟲吟砌草橫憂危頻看劍徼警靜聞鉦月
到花沉影風來樹作聲槐槍何日掃把酒醉長庚

同宇生抱一西郭野眺

西山不可望遊鹿逼城荒來往樵人路高低牧子岡名
園封野草剩碣冷微陽回首風流舊淒其忍斷腸

亂後呂亭感懷

官道夾蒿萊猿聲到耳哀竹因無主俗花向路人開使
客還來否神仙安在哉劍泉遺可問定有泛槎才

周重禪見寄山居二章賦答

十載風塵面遙牽骨月情逢人勞問字誤我媿浮名小

音甲原卷二十四
隱山無價虛舟野自橫放懷何必醉
諸得醒來醒
盡道儒官冷難偷冷處閒單衣歌白石解印傲青山路
僻時通塞隣疎獨往還新秋場圃近暑雨課農艱

感時

籌深帷幄事成非黑壓城南王氣微萬馬忽驚迷虎帳
六龍猶說肅鑿旂冰山有恨金空盡雪窖無文淚忍揮
惆悵烏衣門巷燕宮樓仍遠不知歸

秋日昭關懷古

迢遞山迴嶺路分昔年曾此度
臣丹楓故染臨江色
敗堞猶祠覆楚身兩地興衰爭去住一腔忠孝判君親
祇今剩得孤蹲石七字碑題萬古新

清明無酒

山村春早杏花殘雨色冥濛問酒難烽火儘知烟不禁
裹糧剛及食初寒已經多故堪誰飲况是無錢且下餐
待得暖回新釀熟當杯重折柳條看

泛巢湖歸里

八公誰誓渡江軍回首巢湖失故羣長缺久懸猶作客
虛堂無主浪移文且披漁艇三更月歸卧龍山一片雲
去去不須驚草木釣臺千古挂斜曛

重禋詩來見招入城和答

幽棲聊寄此山居徑僻人稀一草廬倚樹陰森聽語鳥
臨河清淺看游魚亂來生事逢時懶老去孤蹤入市疎

猶有野隣勞問訊話終指點種園蔬

敬亭山

國難鄉心盡官貧客意閒眼看雲起滅羞對敬亭山

松鶴菴三首

石門曲徑斜通小院爐烟自封為問埋忠何處風號謾

謾長松

虬枝翠滴週圍遙度幽禽下飛問藥山阿客至扶藤絕

澗僧歸

松挂石門影落鶴歸華表聲初鐘動纔知寺近雲來未

許林疎

方孟圖

字無言一字義先家邑東之楊樹灣拓落為儒束修厲行弟子從遊者甚衆因屢困瑣院

遂棄去舉子業蔬羹糲食泊如也里中有多不平事片言折屈靡不就公平決公亦引為已任多方譬曉待其愧悔而後止至同學袁馬相過存避之若晚每月夕花晨一觴一咏忻然忘世閑浩然南山之廬采靖節東籬之菊時代雖遠旨趣若符年六十有四有權園遺稿若干篇藏于家

燕

暫時離故國誰復識烏衣竟作尋常客因知王謝希低

飛春事得幽語夜深微幸自無拘束秋來尚可歸

道遇姚休那有贈

來往無勞問忻逢老逸民淡懷清似水衰鬢白如銀賣

賦能忘世茹芝不厭貧市城雖偶憩三徑尚荆榛

九日無菊

已覺秋光老黃花尚未開到門誰送酒扶杖懶登臺娛

音用風不卷三四
目惟楓葉頽頽共草萊東籬一片地行坐獨徘徊

寄族弟明農

此日猶容高蹈身滄桑閱歷一遺民烟霞寄託惟工賦
耆舊招攜任結隣心史流傳應有待長編著就豈無因
式廬聞說饒詩句翻恐郎官累隱淪

贈還山家從

不戀簪纓戀芰荷雪鴻相徧任蹉跎門餘桃李成蹊徑
交剩羊求足嘯歌鎮日同奇翻却酒對人揮翰豈求鵝
卽今仕隱誰兼得萬卷平籤勝已多

過丘魯瞻齋頭感賦

相逢老大易悲傷短髮星星徧點霜生事都從貧裏失

流光偏向客中忙殘書幾卷非長策薄畝頻年是戰場
便欲與君商活計青山綠酒一茅堂

胡學華

字耀卿邑諸生遊方文學之門稱高足與司馬張坤菴公等授經張之萊竹園多所編纂

杏花

東風開遍上林花文杏參差也自華綵幄半含朝露濕
緋衣輕褪午風斜翻堦色奪千行錦繞屋晴曛十丈霞
最喜託根猶得地莫教紅粉妬窻紗

夏日過黃溪渡思歸

黃梅時節雨方新愁殺江頭楊柳春夢與漁翁頻定日
停舟莫誤送行人

方

穀

字子桓明經蓮江公之中子崇禎中籍邑諸生治易兼通春秋四傳讀史手鈔三易稟古

人各姓爵里封國悉錄成帙睹記靡遺父歿于公
車佐伯兄千里歸櫬葬管竹山偕廬墓側年四十
早卒屬孤與姪三分其產追遠祖天台之遺風子
桓與范世鑑子明趙相如又漢從兄以元坤丞以
智密之相友善文名頗顯同儕有洪敏中慧生者
亦工詩今求之不得僅存集唐詩無由據入惜哉

白帝子歌

四維茫茫渺難極載方舟兮沿水入神女璇宮當夜織
倚瑟鳴絃聲清歷知音娛樂恣歡翕遊放滄湄何所息

壽春訊大兄客熙城

永懷先墓竹西山山柏森森兄所攀纒得展塋同歲晚
忽驚滯迹已春闌談經涼上非吾志載筆司空慰一顏
覲省須謀歸騎早鴿原悵望白雲間

